

WANTOK

NIUSPEPA BILONG OL PAPUA NIUGINI STRET

Ernst & Young audited/
circulation 15,177

36 pes

Namba 893

Wik i stat long Fonde Ogas 15, 1991.

40 toea



Welkam

INSAIT



- Kabaleo tisa amamasim 25 yia..pes 14
- Helt dipatmen laikim takis bilong kensa...pes 3
- Oksapmin wetim yet mani...pes 5
- Yunaited Sios egensim laki...pes 6

Asbisop Carey bungim ol Simbai • Asbisop bilong Kentebri na bos bilong olgeta Engliken Sios long wol, Dokta George Carey i bungim ol pipel bilong Simbai long Madang. Hia em i sindaun na tasim han bilong olgeta pipel. Asbisop Carey wantaim meri bilong em Eileen i kam bilong amamasim 100 yia bilong Engliken Sios long kantri. Moa poto na stori insait.
Poto: Rowan Callick.

PTC bisnis bai kisim kot pepa

BERNARD MALADINA i raitim

Minista na menesmen i no bihainim oda

GAVMAN bai kotim bod na menesmen bilong Pos na Telekomyunikesen Kopresen (PTC). Bikos ol i no laik rausim wanpela kampani bilong ol husat i lukautim ol wok bilong haus na opis samting. Dispela kampani em PTC Properties Pty Ltd (PPL). Ol sinia gavman loman i bin tokaut long dispela long dispela wik.

Ripot i tok ol sinia loya long Stet Solisita Opis na Stet Solisita, Zacchery Gelu wantaim ol sinia opisa

bilong Fainens na Plening i redim ol kot pepa long dispela wik bilong givim i go long Nesene! Kot rejistra.

Ol i laik givim samon pepa long menesmen na bod bilong PTC bikos ol i no bihainim PTC Ekt, na Pablik Fainens (Menesmen) Ekt. Fainens dipatmen i tingting planti nau bikos PTC i sot long mani. Bikos em i bin yusim moa mani long wok (invesmen) bilong PPL.

Wanpela sinia PTC opisa i tok PTC i bin bengim K21 milien olsem risev mani wantaim Papua Niugini Benging Kopresen long mun Janueri. Tasol menesmen i bin yusim K19 milien 5-pela mun i go pinis long kirapim PPL. Na dispela i bin sotim tru mani bilong kopresen.

Ol dispela senis i mekim na Komyunikesen minista, Brown Sinamoi i sutim tok long ol papa bilong i go moa long pes 2

RAGBI
LIG NIUS



• Mosbi gren fainal long dispela wiken

NEKS WIK

4 pes PNG
Helt Nius

YU NO INAP WINIM HILUX



NAMBAWAN TRU LONG PAPUA NIUGINI



Ela Motors

PORT MORESBY 22 9400 LAE 43 3655 RABAUL 92 1988 MADANG 82 2188 GOROKA 72 1844 MT HAGEN 52 1888
WEWAK 86 2255 KAVIENG 94 2132 KIMBE 93 5155 TABUBIL 58 9060 VANIMO 87 1254 PORGERA 508203

MEMBA BILONG BURNS PHILP (PNG) LIMITED

Pasin bilong salim lus smok i brukim lo

LO i tambuim ol manmeri long salim ol lus smok. Tasol ol manmeri i go het yet na salim ol lus smok long maket na ples nam-baut.

Dispela lo i stap aninit long wanpela lo ol i kolim long Tobako Prodaks Helt Kontrol Ekt bilong 1987.

Dispela long wanem bai taim ol man i baim smok wantaim paket, ol bai lukim tok lukaut bilong helt long paket bilong smok.

Wok bilong Helt Dipatmen long karimaut dispela lo, tasol nau i no gat long wanem i no gat inap wok-

man.

Lo tu i tambuim ol smok kampani long putim aut ol toksave bilong smok long niuspepa o ol narapela samting long ol pablik long lukim. Legisletiv Kaunsil nau i wok long mekim ol sampela senis long strongim dispela lo.

Helt Dipatmen i ken kotim ol kampani i save putim ol toksave o long Inglis ol i kolim "adve tisement" long pepa. Taso dispela i no inap long kamap yet inap Legisletiv Kaunsil i pinis long dispela ol senis na Nesenel Eksekutiv Kaunsil (NEC) i orait long en.

Kibung glasim ol hevi bilong bia

LO Rifom Komisn nau i mas lukluk gut long ol lo i lukautim ol toksave bilong ol kain kain smok na bia i save kamap long ol pablik long lukim long ol niuspepa, redi na televisen.

Komisn i mas lukluk long dispela na traim long putim sampela tambu. Long wanem dispela em i wanpela rot we planti ol hevi bilong lo na oda i wok long kamap bikpela long kantri.


Dispela em wanpela bikpela tingting i bin kamap long wanpela kibung kamap long Lae long Me. Roteri Klab bilong Lae na Faundesn bilong Lo Oda na Jastis i bung wantaim na kamapim dispela kibung. Bikpela as tingting bilong en em long lukluk long ol hevi i save kamap long ol kain samting olsem bia, smok, spak brus na ol narapela kain kain marasin nogut.

Kibung i pasim tok tu long Faundesn bilong Lo Oda na Jastis i mas kisim wanpela man i save long wok bilong lukautim hevi bilong bia na smok i kam long PNG. Na helpim long karimaut ol progrem nau i stap.

Kibung i pasim tok tu long kamapim ol dispela samting:

- Faundesn wantaim ol narapela praivet ogenaiesen i mas bung wantaim na statim wanpela Nesenel Helt na Drag Senta. Na Senta i mas gat lo we i putim takis long ol lain i save salim bia na smok. Senta bai kisim dispela takis long lukautim wok bilong em yet;
- ol plis i mas karimaut ol lo i lukautim wok bilong salim smok na bia;
- kibung i bilip olsem ol papa bilong graun i mas go pas long toktok long graun bilong ol;
- Faundesn i mas toktok wantaim dipatmen bilong Fores, Agrikalsa, Fiseris na Woks long givim mani long Faundesn long baim ol yut long mekim long wok long ol projek bilong Faundesn;
- olgeta provinsal gavman i mas lukluk long ol lo bilong ol long salim bia, na traim long mekim sampela senis i bihainim lo bilong Is Nu Briten.

Ol PTC wokman i straik stat long Fonde 14 Ogas



• Sampela wokman na wokmeri bilong PTC long Mosbi i vot long stap wok na stap insait long bikpela straik stat long Trinde 14 Ogas long 12 klok (12.00pm). Ol i komplem olsem PTC menesmen i no luksave long sampela askim bilong ol. Wantok i no save yet long wanem taim ol bai stat wok gen.

Moa memba i no givim NDF mani ripot

LONG dispela wik, Wantok Niuspepa bai lukluk long rot em ol memba bilong Sauten na Noten rijon i yusim NDF mani bilong ol. Dispela em long K50,000 ilektorel fan bilong 1989. Long las wik, mipela i bin lukluk long Niugini Ailan rijon.

SENTREL: Ted Diro (Sentrel Rijonal) i putim sek namba 021240 long Mosbi PNGBC. Yusim mani long 91 projek. Olgeta NDF na beng ripot i stap. Jack Genia (Abau) putim sek namba 021266 long Waigani Beng bilong Saut Pasifik. Yusim long 48 projek. No gat NDF na beng ripot. Galewa Kwarara (Rigo) sek namba 021366 na putim long Waigani ANZ beng. Yusim long 25 projek. No gat NDF na beng ripot. Joseph Aoe (Kairiku-Hiri) putim sek namba 021286 long Boroko Westpac. No gat ol beng ripot. Andrew Ruddaka (Goilala) putim sek namba 021198 long Boroko PNGBC. Yusim dispela mani long 21 projek. Olgeta pepa i stap bilong sekim.

ORO: Benson Garui (Oro Rijonal) sek 021252. No gat rekot bilong ol projek em i yusim mani long en. No gat NDF na beng ripot. Akoka Doi (Ijivitari) yusim sek namba 021205 long 73 projek. Olgeta ripot i orait tasol em i mas givim ripot bilong beng na NDF. David Beu (Sohe) sek namba 021021 na em putim long Westpac beng long Boroko. Em

yusim mani ya long 20 projek. Olgeta ripot i stap pinis tasol em i mas givim ripot bilong beng na NDF tasol long ol projek ya.

MILEN BE: Dennis Young (Milen Be Rijonal) putim sek namba 021279 long Mosbi PNGBC. Yusim mani long 39 projek. Olgeta ripot i stap pinis. Johnson Maladina (Esa'ala) putim sek namba 021264 long Boroko PNGBC. Yusim long 65 projek na olgeta beng na NDF ripot i orait. Jacob Lemeki (Samarai-Murua) putim sek namba 021292 long Boroko PNGBC. Yusim mani long 17 projek. Olgeta ripot i orait pinis. Gerald Beona Motawiya (Kirwina-Gudinap) Yusim mani long sek namba 021020 long tupela projek. NDF pepa i stap tasol beng ripot i no yet. Iaro Lasaro (Alotau) sek namba 021228 na em putim long Masurina Treding akaun, Alotau. Em yusim mani ya long 22 projek. Olgeta ripot i stap pinis.

GALP: Aron Noaio (Galp Rijonal) sek namba 021201 na yusim long 16 projek. Olgeta ripot bilong NDF i stap tasol bilong beng i no yet. Daniel Itu (Kerema) sek 021253. Nem bilong ol projek em yusim mani long en i no kamap ples klia. Tasol em givim ol ripot bilong beng na NDF. Allan Ebu (Kikori) sek namba 021207 na putim mani long Boroko ANZ beng. No gat nem bilong ol projek.

PTC bisnis kisim kot pepa

i kam long pes 1

ol "real estate" kampani, na ol arapela bisnisman long Mosbi long traim bagarapim plen bilong PTC long kamap bikpela. Dispela em long grisim ol yunien na niuspepa wantaim redio na televisen long bagarapim PTC menesmen na bod.

Minista i tokaut olsem em i no inap long pinisim kampani, PTC Properties Pty Ltd (PPL), olsem Fainens na Plening minista, Paul Pora i bin askim long 9 Julai, 1991.

PPL i kamapim bikpela belpen nau namel long PTC Wokas Yunien na menesmen.

Sinamoi i bin raitim wanpela pas i go long Pora long 26 Julai na i tokaut olsem em i no laik rausim PPL. Dispela i egensim ol tok save em Fainens minista i kisim i kam long opis bilong Stet Solisita na Odita Jenerel.

"PPL i kamap bihainim tingting bilong gavman long mekim ol gavman bodi olsem PTC i kamap praivet," hap bilong Sinamoi i tok.

"Ol lain husat i laik wokim ol "real estate" bisnis tasol i laik bagarapim PPL na PTC menesmen long niuspepa na redio," em i tok.

Long skruim toktok bilong em, minista i no laik long pinisim PPL. Bikos dispela bai bagarapim olgeta gutpela wok em menesmen i bin mekim long las 8-pela mun.

Long mun Julai, Pora i tokim menesmen na bod bilong PTC long rausim tripela bisnis han bilong em. Dispela em PPL, PTC Hausing Pty Limited na PTC Konstraksen Pty Limited. Ol dispela bisnis i bin stat long mun Januери. Minista i givim oda tu olsem PTC i mas rausim olgeta kontrak na bisnis wok dispela tripela kampani i bin mekim stat long mun Januери.



LAE: Tripela man bilong Is Sepik provins i bin kamap long ai bilong Lae Distrik Kot long sas bilong kilim indai ragbi yunien pilaia, Christopher Follett long 29 Julai.

Dispela ol man em Sammy Rami husat i gat 22 krismas bilong Sambri Leks long Angoram, Dominic Kundi, 19 krismas bilong Kanganamun viles long Ambunti, na Paul Warisan husat i gat 22 krismas bilong Urip viles long Dagua.

Olgeta tripela man i stap yet long han bilong plis na bai kamap gen long kot long 27 Ogas long 9 klok moning. Ol plisman i wok long painimaut yet long dispela birua.

WEWAK: Samting olsem 8-pela man i bin yusim tupela sotgan, ol bikpela naip na tamiok long pretim ol pasindia bilong wanpela PMV bas na stilim ol mani samting moa long K1,000.

Plis ripot i tok dispela ol man i bin karamapim pes bilong ol na mekim dispela pes taim PMV bas ya i wok long go antap long maunten. Dispela birua i bin kamap long Sepik Haiwe long Fraide apinun.

HAGEN: Hagen haikul long Westen Hailans provins i pas nau bihain long tupela olupela studen husat em skul i bin rausim wantaim ol famili bilong ol i kamap na paitim na bagarapim skin bilong het tisa Camillus Nongi bilong Manus na narapela tisa.

Ol ripot i tok olsem 15 man wantaim ol bikpela naip, tamiok na spia i kamap long skul graun na ronim het tisa Nongi. Wanpela bilong ol i paitim het bilong Nongi long ston na em i pundaun. Long taim em i pundaun, wanpela bilong ol i tromoi tamiok long lek bilong em tasol i abrus. Narapela i tromoi tamiok na kisim stret het bilong Nongi.

Ol plisman i askim pinis ol pipel bilong ples long givim dispela ol trabelman i go long ol. Sapos no gat, ol bai go insait long ples long laik bilong ol na painim dispela ol trabelman.

POPONDETTA: Tupela ka bilong Higaturu Oil Palm Estates i bin bam long las wik Fraide na wanpela man i dai. Narapela i kisim bikpela bagarap na i stap nau long haus sik. Dispela birua i bin kamap long Sangara bung rot bilong Popondetta na Kokoda rot.

Plis ripot i tok olsem wanpela ka i bin sanap na rausim ol wokman i stap taim narapela i kam long baksait na bamim em. Draiva bilong ka i ron i kam long baksait i bin dai na wanpela man Mumeng husat i stap long namba wan ka i brukim lek bilong em na i stap nau long bikpela haus sik long Mosbi.

MENDI: Bikpela pait namel long ol lain wan pisin bilong Mendepo na Tukunjip i bin stat long las wik Fraide na i go olgeta long wiken tu wantaim. Plis ripot i tok tupela man i dai pinis na planti arapela i kisim bagarap. No gat wanpela bagarap i kamap long ol stua samting long taun. Tasol planti baktua, supamakot na ol tred stua i no bin op stat long Fraide i kam inap long Mande.

Dispela pait i bin stat bihain long wanpela draiva bilong Mendepo wan pisin i spak na kapsait long ka. Orait ol lain bilong dispela daiman i sutim tok long ol lain Tukunjip long kamapim dispela indai. Na long Fraide apinun, bikpela pait i bruk long taun.

Wanpela plis mobail skwat yunit i stap nau klostu long taun bilong sekap na lukluk long ol samting.


LAE: Wanpela op duti plisman na narapela pasindia i bin dai long Fraide nait taim ka ol i ron long en i sut i go insait long wanpela baret long sait bilong rot. Tupela narapela pasindia bilong dispela ka i stap nau long Angau haus sik.

Plis ripot i tok i luk olsem dispela ka i bin spit long taim em i abrusim rot na kalap long baret long Huon Rot. Plisman husat i dai em Sinia Konstebel Brian Anaupi. Na narapela pasindia husat i dai tu em Pomat Kisuka husat i save stap long Lae.

Nupela bia brukim PNG lo

Helt dipatmen laikim takis bilong daunim kensa

SAM VULUM I raltim



HELT Dipatmen i laikim nesanel gavman long givim em hap mani em i save kisim long takis bilong bia na sigaret.

Gavman i mas putim dispela takis mani antap long baset em Dipatmen i save kisim long wan wan yia.

Insait long wanpela askim pepa i go long Nesanel Eksekutiv Kaunsil (NEC) long 4 Epril, minista bilong Helt Gerlad Beona i tok hevi bilong bia na smok i wok long go antap olgeta taim long Papua Niugini.

Em i tok Dipatmen bai traim yusim dispela mani long daunim dispela namba. Dipatmen bai karimaut ol edukesen program bilong skulim ol manmeri long ol kain kain hevi bilong bia na smok. Na tu long baim ol masin samting bilong lukautim ol manmeri i bagarap o wokim wan-

pela senta long lukautim ol.

Beona i tok mak bilong bia ol manmeri i save dring pastaim i stap long 438,000 galen long 1960 tasol i bin go antap long 15,546,250 galen long 1982. Na mak bilong bia em PNG yet i save wokim na ol manmeri i save dring long kantri i stap olsem 5,277,587 galen.

Em i tok gavman i save yusim samting olsem K78 milien long wan wan yia bilong givim marasin long ol manmeri i kisim bagarap long bia. Dispela mani i no karamapim ol sikman tasol. Nogat. Em i karamapim tu ol narapela dipatmen i mekim wankain wok olsem plis na Gavman bai kisim samting olsem K1 long takis tasol bihain em bai yusim K3 long stretim ol manmeri i kisim bagarap.

Bia i kamapim planti hevi na pait insait long famili na dispela i wok long go bikpela olgeta taim long PNG. Na tu

namba bilong ol manmeri husat i kisim bagarap o dai long rot i go antap tru. Long wanem planti bilong ol i dring bia na draiu. Wanpela wok painimaut bilong Trensport dipatmen i soim olsem planti man i dai long rot i bin dring bia.

Long wankain taim tu, planti manmeri tru i save smok. Smok na buai i save na kamapim sik kensa bilong maus. Dispela sik i wok long kamap bikpela nau. Minista i tok namel long 1958 na 1970 namba bilong ol manmeri i gat sua long maus i stap olsem 622, tasol dispela mak i go antap long 1,022 namel long 1979 na 1980.

Em i tok ol dispela kain sik i wok long kamap bikpela na Dipatmen i painim hat long stapim. Olsem na long dispela mani bilong takis, ol bai yusim long mekim wok bilong ol.

Beona i tok gavman i save yusim mani bilong pablik long

stretim husat ol manmeri i kisim bagarap long bia na smok, olsem na gavman i mas givim dispela mani long Dipatmen bilong skulim pablik long ol kain kain hevi bilong dispela tupela marasin nogut.

Em i tok sapos NEC i oraitim dispela askim, Dipatmen bai kisim K741,400 long namba wan yia na long ol yia bihain, Dipatmen bai kisim samting olsem K742,000.

Minista i bilip planti provin-sal gavman husat i wok long kisim takis long bia na smok bai sapotim dispela askim.

Na ol bai sapot tu bikos bia i save kamapim bikpela hevi tru long ol provins. Em i tok ol narapela grup em i ting bai sapotim tingting, em ol sios, ol Wimens grup. Na i luk olsem planti memba bilong palamen tu bai givim sapot bilong ol.

• Mayago i soim dispela nupela bia long 1 lita botol.

NESENEL Yut Sevis grup i painimaut pinis long nupela bia em ol i wok hait insait long PNG yet long Mosbi long las wik. Planti yangpela manmeri i dring sampela pinis. I gat bilip olsem bia ya i go pinis long ol provins.

Ekting Asisten Komisina bilong Lo na Oda na Komyuniti Sevis program, Bunford Mayago i tokaut long dispela. Em i tok ol yut grup i go insait long haus bilong wanpela minista na painimaut long dispela bia.

Ol i tok namba wan seketeri bilong dispela minista i save salim ol ispela bia. Na i mekim planti mani pinis.

Wanpela botol i kos K15. Na smel bilong em i wankain stret olsem strongpela bia. Ol i pulapim long wanpela bikpela botol inap olsem i lita.

Tripela nupela intarim atoriti long Bogenvil

TRIPLELA nupela intarim atoriti bai kamap long Saut, Not na Sentrel Bogenvil long helpim kisim gen ol sevis i go long Bogenvil. Na olpela intarim atoriti long Buka bai kamap olsem wanpela bikpela intarim atoriti.

Buka Intarim atoriti i bin stat taim gavman i kirapim wok bilong bringim ol sevis i go bek gen long ailan. Provinsal Afeas minista, Pater John Momis i bin tokaut long wok bilong ol dispela tripela intarim atoriti long las wik Tunde. Em i tok edministresen wok bilong ol tripela intarim atoriti bai helpim program bilong bringim ol sevis i go het.

Em i tok dispela program i no wok gut bikos i no gat mani. Na tu i no gat gutpela rot bilong bringim ol dispela sevis. Pater Momis i askim gavman dring givim sampela mani long lukautim dispela program. Tasol nau yet gavman i no tok orait long wok go het long dispela program.

Pater Momis husat i primia nau long Not Solomon provinsal gavman i tok olsem ol dispela tripela intarim atoriti bai mekim bilong strongim olgeta komyuniti gavman insait long provins.

Momis yet i bin lukluk raun long Saut Bogenvil. Na em i lukim olsem ol pipel bilong dispela eria i no laik long ol ami bilong Papua Niugini i stap long ailan.

Nesanel gavman i no laik long bararapim Buka

PRAIM Minista Rabbie Namaliu i tokaut pinis olsem nesanel gavman bai i go het long wok bilong bringim ol sevis i go long Bogenvil. Em i stretim toktok long ol pipel bilong Buka olsem toktok bilong Bogenvil namel long nesanel gavman na Bogenvil Revolusineri Ami bai i no inap bagarapim sindaun bilong ol.

"Olgeta wok mipela i mekim long bringim sevis long ol pipel insait long Buka bai gutpela." em i tok.

Las wik, Siaman bilong Nesanel Sekyuriti Advaisori Komiti na Seketeri bilong Praim Minista Dipatmen Brown Bai i lukluk raun long Buka. Na tu long painimaut long wok bilong bringim ol sevis na bungim ol edministreta na ol bikman bilong Buka.

Praim Minista Namaliu i tokaut olsem Bai i lukim pinis hevi bilong bringim ol dispela sevis.



Helpim Aitape hais skul: ol manmeri long Vanimo i bungim mani long helpim Aitape hais skul.

Bikpela pait i stap yet long Sauten Hailans

MOA long 5,000 paitman i wok long pait yet long Sauten Hailans provins. Dispela pait i stap namel long ol pipel bilong Jugusup/ Surup na Mendpo/Bia wan pisin.

Plantu gaden kaikai wantaim abus, haus na ol pipel i bagarap pinis.

Dispela pait i bin stat long 27-30 Januari, 1991. Long 12 Februeri, pait ya i stat gen na i pinis long 16 Februeri. Faivpela pipel i bin dai-4-pela bilong Jugusup/Surup na wanpela bilong Mendpo/Bia wan pisin.

Bihain long dispela namba tu pait, ol pipel bilong tupela wan pisin i bung long distrik kot na tokaut

olsem ol i no inap pait gen. Tasol bikpela pret i stap olsem pait ya bai kamap gen, bihain long taim tambu long Hagen i pinis.

i go moa long pes 5

FRI BAIBEL KOS YU KEN KISIM SKUL LONG SALIM PAS

Salim nem na edres long: WORLD BIBLE SCHOOL, Dept. VD22, P.O. Box 9346, Austin, TX 78766 USA

TOO

TORO NOBAT MONI TRU TASOL EM ILAIK DRINGIM BIA...

NAU EM GO RAUN LONG BOROKO HOTEL!!!

MI GO GRIS NABALIT NA OL PORO BAI SALTIM MI BIA!

BOROKO HOTEL

EMPAINIM WANPELA EMPTI BIA BOTOL NA EM KARIM I GO LONG TOILET NA PULAMAPIM WANTAIM WARA...

EM NALI! BAI MI GIAMAN SPAK NA GO KUSAI LONG OL PORO NA BAI OL I SALT!

TOILET BOY

NAU EM GIAMAN SPAK NA KARIM BOTOL WARA RAUN NA PAINIM OL PORO LONG SAUTIM EM...

AIYOO, BRAKS!... LONG TAIM NO SI!... YU STAP WE NALI?... EM... YU SALT!

HEY! YU HUSAT? (MCM)

EM MEKIM OLSEM TASOL I GO NA BEL BILONG EM I PULAP LONG WARA...

AIYAAA! BAI MI DAI NAU.. WARA PULAP LONG BEL YAA!

GLUG! GLUG! GLUG!

KWOSTU EM I DAI...

WANTOK

NIUSPEPA BILONG OL PAPUA NIUGINI STRET

Gavman bilong pipel o bikman

ASBISOP bilong Kentabri na bos bilong Engliken Sios i pinisim wokabaut bilong em long Mande na go bek long Inglan. Long taim em i kam stap long hia, em i mekim sampela gutpela toktok. Ating dispela ol toktok bai i go lus bihain long wanpela plet kaikai o botol bia.

Em i no toktok wantaim ol wanpela kain lain tasol. Em i limlimbur na wokabaut long olgeta liklik kona. Tasol ating sampela bilong yumi ol bikman antap long gavman i no lukluk na glasim gut wanem samting em i laikim long en. Laka. Wanpela liklik piksa stori bilong dispela em long kain taim em i save mekim namel long ol politisen na ol bikman na ol liklik grasrut, pikinini na ol kalabus. Sori. Em i soim tru bikipela laik bilong em long ol dispela lain. Na long wankain taim, ol dispela lain i laikim em tumas.

Bilong wanem na dispela ol gavman opisa na arapela bikman husat i go wantaim Asbisop na meri bilong em long Simbai i no laik go long hap. Bekim bilong ol em bikos i no gat gutpela ples bilong slip na kaikai. Dispela em i wanpela longlong bekim tru bilong ol dispela lain. Long dispela kain pasin na tingting tasol na hevi bilong Bogenvil i no pinis.

Long wanem, ol bikman i no laik go stap insait tru wantaim ol pipel na lukim long ai wanem samting i kamap. Ol bikman na olgeta arapela lain i sindaun tasol long Waigani opis na toktok long bringim sevis i go long Buka.

Kamon PNG gavman. Sanap nau long tupela lek na soim mipela ol pipel tru olsem yu i gavman bilong pipel na i no bilong ol wan wan lain tasol.

Wokabaut bilong Asbisop Carey long Papua Niugini

ROWAN CALLICK i raitim

OLGETA Engliken manmeri long Papua Niugini em namba bilong olsem 150,000 i bung long 10 Ogas long amamasim namba wan taim ol misineri i kamap long kantri long not kos bilong Milen Be provins.

Planti long ol i putim bilas bilong tumbuna na amamasim de wantaim namba wan hetman bilong sios long wol, Asbisop bilong Kentaburi.

Dispela em i namba wan taim tru Dokta George Carey i kam

long PNG bihain long long em kamap Asbisop long Epril. Namba wan misa bilong em em i holim long nambis bilong Kaieta we 3,000 manmeri i kamap. Dispela em ples we ol namba wan misineri, Albert Maclaren na Copland King i sua long en.

Long neks de em i holim narapela bikipela misa long Santu Paul na Peter Ketidrel long Dogura. Dispela em hap Maclaren na King i wokim namba wan misin.

Tasol bihain long em i go long Milen Be, Asbisop i raun pastaim long Mosbi. Em wantaim meri bilong em Eileen i bungim ol mama na bihain i lukluk raun long setelmen we ol Engliken i stap long en.

Gavana Jenerel, Sir Serei Eri i holim wanpela liklik kaikai long Gavman Haus we Asbisop i givim em sampela presen long Sir Serei na meri bilong em na tu wanpela presen long putim long Gavman Haus.

Asbisop wantaim ol lain bilong em i stap long Gavman Haus



• Asbisop Carey (raithan) wantaim bos bilong Word Publishing kampani, Pater Jim Franks. Dispela em long taim Asbisop Carey i luluk raun long hap long Mande 12 Ogas.

taim ol i stap long Mosbi na Gavman bilong PNG i givim mani long baim pe bilong balus na ol narapela samting long lukautim raun bilong Asbisop long kantri.

Namba wan samting em i tokim ol niusman long 3 Ogas em, em i laik lainim ol kain kain hevi bilong enviromen long kantri. Em i tok ol namba wan askim bai em i mekim em long ol kain kain samting i kamap long enviromen bilong PNG long wanem nau i gat planti ol maining wok i kamap long kantri.

"Mi no inap long tingim narapela samting gen. Dispela em bilip bilong mi taim mi mekim namba wan lukluk raun bilong mi long narapela kantri. Em i tok namba bilong ol manmeri i save go lotu long PNG i bikipela moa long ol manmeri i save lotu long Inglen.

Tasol em i tok planti long yumi save lukim ol misineri olsem ol i no laikim ol bek man. Dispela i no tru, planti long ol misineri nau i luksave long kastam bilong

PNG.

Em i amamas tu long lukim olsem olgeta ol bikipela Sios long kantri i bung wantaim na wok long ol wan wan eria insait long kantri. Asbisop i bin wok longpela taim tru wantaim Katolik na Engliken Sios na em i laikim wankain samting i mas kamap long PNG. Em i laik bringim ol dispela tupela sios i kam klostu long ol yet. Em i tok planti ol grasrut manmeri bai askim long tupela sios long kam bung wantaim.

Em i tok dispela selebren i sans nau bilong Engliken sios long luksave long ol kain samting i wok long kamap na traim long kamap wantaim ol nupela tingting.

Em i tok long wanpela bikipela misa bilong em long Mosbi olsem sios nau i kamapim planti samting tru bihain long 100 yia. Em i tok i gutpela olsem ol manmeri long PNG i gat ples bilong kristen pasin insait long bel bilong ol. Em i tok kraus i save senisim ol man na ol

i go moa long pes 6



• Meri bilong Asbisop bilong Kentabri i karim bilum na bungim ol manmeri long ples Simbai long Madang.

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00



• Asbisop bilong Kentabri, George Carey na meri bilong em long baksait long ples Simbai long Madang.

K4,800 bilong Oksapmin stap yet long Vanimo

FELIX RAMRAM i raitim

SAMTING olsem wan tausen (1,000) pipel bilong Oksapmin long Sandaun provins i bin kisim bikpela bagarap taim wara i solap long mun Mas i no kisim gen ol gavman helpim na sevis.

Mausman bilong ol pipel long hap, John Dua i tok ol pipel i gat bilip olsem sampela mani bilong dispela K15,000 em Nesenel Disasta na Imejensi Sevis wantaim

provinsal disasta komiti i bin givim long helpim ol pipel i stap yet. Tasol ol i no klia long mak tru bilong dispela mani. Provinsal disasta komiti i bin givim K5,000 na nesenel komiti i givim K10,000.

Em i tokaut tu olsem ol pipel i no bin amamas long taim provinsal komiti i rausim K2,705 bilong dispela mani long baim balus bilong kisim ol nesenel na provinsal imejensi disasta opisa i go long Oksapmin bilong skelim ol bagarap long mun Mas.

Bikos nesenel disasta sevis i mekim pinis dispela wok.

"Ol rekot bilong mipela yet i soim olsem wanpela balus tasol i bin bringim ol kaikai samting i kam. Tasol dispela i no inap.

"Mipela i askim long moa helpim na gavman i bekim olsem kiap i lukautim Oksapmin i no salim ripot yet i go long hetkwata long Vanimo. Tasol mipela i no amamas long dispela bekim," Dua i tok.

Ol ripot i kam long Provinsal Afeas opis long Vanimo i tok

olsem i gat K4,829 bilong dispela mani i stap yet. Tasol ol bai i no inap salim moa helpim i go long Oksapmin inap ripot i kam long kiap.

Asisten seketeri bilong Provinsal Afeas, Vimuru lagata i tokaut tu olsem opis bilong em i tingting planti tu long narapela K2,000 em ol i no kisim wanpela ripot yet long en. Na ol i rausim pinis kiap husat i bin kisim mani long dispela taim bikos em i no givim ripot long rot em i yusim mani.



WANPELA yangpela meri i go long stua bilong baim smel sanda. Em kisim wanpela brut na laik go ausait taim em i lukim modess i slip i stap antap long tebol. Em i laikim dispela tu tasol i no gat mani. Olsem na em i kisim modess na haitim long sket bilong em na wok-abaut i go long stuakipa. Tasol long kaunta, em i lusim brut i stap na givim siksti i go ausait. Stuakipa kalap nogut na kirap bikmaus. "Aiyo susa, brut bilong yu ya." Tasol meri i kirap na bekim, "Olsem na mi kisim modess."

Leni Zero, Mosbi.

BIKPELA bilong Kanage wantaim ol lain plisman bilong em i go patrol long haiwe. Ol i kisim tu wanpela plismeri i go wantaim ol. Long dispela taim, sampela lain i kam na tokim tambu meri bilong Kanage olsem man bilong em i kisim wanpela plismeri na go long haiwe. Taim ol i kamap bek long bareks, tambu meri i go ausait tasol long haus na askim man bilong em, "Yupla em wanem nau hia, kisim plismeri na go wokim operesen long haiwe. Mi no save olsem ol plismeri tu i save mekim ol operesen long nait long haiwe." Isi tasol bikbro bilong Kanage kirap na bekim, "Nogat. Mipela i kisim em i go long taipim sampela ripot (stetmen) long hap." Liklik kandre bilong Kanage hangamap long sait i stap na kirap singaut, "Man daddy, mi no save olsem i gat ol taiprait long bikbus."

SP 2 Boys, Hohola, Mosbi.

LAPUN kandre bilong Kanage i laik go baim bra bilong meri bilong em. Tasol em i no save long kolim bra. Olsem na taim em i kamap long stua, em i tokim stuaboi, "Mi laik baim andapens ol meri i save pasim susu long en." Stuaboi kirap na bekim, "Dispela i no samting bilong ol man long baim, em bilong ol meri tasol." Lapun kandre i sem nogut tru na go kilim meri bilong em long haus.

Pandie Arituk, Lae, Morobe provins.

PREN bilong Kanage bagarap long dring bia na go bungim ol yangpela manki i bung arere long taun maket i stap. Em no gat mani olsem na em askim ol boi long bungim mani. "Come on boys, complete money and we buy beer." Ol boi harim na lap olsem na Kanage i askim gen, "What I say, ah? Yu tok?" Ol yangpela boi i bagarapim stret lap na lusim Kanage i sanap wanpis i stap.

Jack Mawi, Wewak, E.S.P.

Moa tok pilai long pes 16

Bikpela pait stap yet long Sauten Hailans

i kam long pes 3

Long 9 Ogas, wanpela yangpela man bilong Jugusup/Surup i dai. Dispela em bihain long gavman ka em i ron long en i go abrusim rot na kapsait i go long sait bilong maunten. Nem bilong man i dai em Francis Wap, husat i gat 20 kris-mas. I gat bilip olsem yangpela Francis i bin draivim dispela gavman ka.

Sampela arapela pasindia i kalap na i no painim wanpela birua. Wanpela pasindia em risev plisman. Ol plisman i holim pasim dispela man pinis.

Ol pipel bilong Jugusup/Surup i sutim tok long ol pipel bilong Mendepo/Bia long dispela birua. Orait long Sarere 10 Ogas, narapela pait i kamap. Tupela man, wanpela bilong Jugusup na narapela bilong Mendepo/Bia i dai long dispela pait.

Long Sande 11 Ogas, ol plisman i kamap hariap long eria na was i stap. Dispela hap i stap 3 kilomita longwe long Mendi.

I gat bilip olsem Membra bilong Mendi, William Ank i painim hat nau long kam long Mendi. Bikos ol paitman husat i stap insait long pait em ol wan pisin bilong em.

Long Mande 12 Ogas, moa long 3,000 paitman i stap insait long pait gen. Tasol ol plisman i stapim ol. Long Tunde 13 Ogas ol i pait gen, na planti pipel wantaim gaden kaikai, na abus i bagarap.



Is Awin refuji kem: Ol refuji bilong Wes Irian i mekim ol haus ya olsem ol haus bilong ples kanaka long PNG stret.

Ol yut grup long NCD bai kisim K10,000 bilong ol projek

GAVMAN i makim pinis K100,000 bilong kirapim 5-pela yut projek long Mosbi na Nesenel Kapitel Distrik.

Hia em nem bilong ol dispela 5-pela grup: Hetura Sentrel Kombain yut grup, Nain Mail Rihebilitesen projek, Mafu yut grup, Aura Aura yut grup na olgeta yut grup bilong Goilala insait long Nesenel Kapital Distrik.

Dispela mani i kam bihainim Mirigeda kibung em Praim Minista Rabbie Namaliu na

olgeta yut grup insait long Nesenel Kapitel Distrik i holim tupela wik i go pinis.

Dispela kibung i bilong painim wanem gutpela rot bai gavman i ken helpim ol yut bilong Nesenel Kapitel Distrik. Na tu long paisim rot bilong ol yut long kirapim ol dispela projek.

Tasol gavman i no bilip yet olsem mani em i givim long kirapim ol projek bai stapim hevi bilong lo na oda long Mosbi na Nesenel Kapitel

Distrik.

Gavman bai helpim long statim ol projek. Na em i wok bilong ol yut yet lon gpainim moa mani ol dispela projek i go bikpela.

Ken Egan bilong Lo, Oda na Jastis i kisim maus bilong gavman na holim wanpela kibung wantaim olgeta yut lida long Hap Wey Haus long Morata las wik Fraide 9 Ogas, 1991.

Insait long dispela kibung, Egan i tok Komesel Bisnis

Propesel, na Faundesen bilong Lo, Oda na Jastis i askim pinis bod long statim wanpela nupela dinau skim bilong ol liklik bisnis man na meri long Papua Niugini. Na sapos Bod i tok orait, dispela skim bai wok aninit long ol beng.

Nau yet planti yut grup i raitim pas pinis long gavman. Tasol ol i mas tokaut stret long wanem projek ol i laik ronim. Na bihain gavman i ken lukluk na givim mani,

Papua Niugini Nesenel Ileksen, Me-Jun, 1992

Nem bilong ol olupela na nupela kendidet bai kamap bilong resis long ol sia long olgeta ilektoret. Dispela em i bikpela samting olsem na olgeta man na meri bilong Papua Niugini i mas save gut tru long olgeta samting bilong mekim long taim bilong ileksen.


Sapos yu laikim helpim, go lukim ol Distrik Menesa, na ol Distrik Opisa-In-Sas (DOIC).

Askim ol long wok bilong ileksen em yu no klia long en.

Tingim gut, ol gutpela lida i kamap long stretpela vot

TASOL HUSAT I KEN VOT?

Ol Papua Niugini man na meri husat i givim nem tasol long 1992 ilektoretol rol bai tromoi vot. Na dispela i min olsem olgeta sitisen husat em kris-mas bilong ol i winim 18 yia na i bin stap insait long wanpela ilektoret moa



Authorised by Reuben Kaiulo, Electoral Commissioner Papua New Guinea

long 6-pela mun na mama i bin karim em pastaim long 27 Jun, 1974 bai tromoi vot.

Sapos yu winim olgeta dispela toktok na i no givim nem yet, pulimapim wanpela fom long Provinsal liektoretol Opis, Distrik Menesa o Opisa-In-Sas long hap bilong yu.

Tingim ... lo i tok olsem olgeta Papua Niugini man na meri i mas givim nem bilong vot.

OL NUPELA LAIN BILONG VOT

Sapos mama i bin karim yu pastaim o long 27 Jun, 1974, yu mas givim nem bilong vot. Yu i no inap vot long neks yia sapos nem bilong yu i no stap long ileksen rol.

Go long Provinsal Ilektoretol Opis i stap klostu long hap bilong yu na pulimapim wanpela fom bilong vot nau!

Tingim gut, givim nem nau! Olsem bai yu gen vot long 1992 ileksen.

TU MINIT TINGTING

PASIN BILONG STRETIM OL YANGPELA

"Ol papa bilong yumi long graun i bin stretim yumi, na yumi save respek-tim ol long dispela." (Hibru 12:9)



FRANK MIHALIC i raitim

STRETIM wanpela samting em i min: stretim em bek, bihain long em i bin go krungut. Stretim pikinini o yangpela, em tu i min: stretim em bek na stiaim em na trenim em, long wanem, em i wok long go krungut.

Namba wan samting yumi olgeta i save lainim long taim yumi bebi yet em i dispela: bilong mekim wanpela samting, yumi mas bihainim lo bilong en. Sapos yumi sakim lo bilong en, bai trabel o wari i kamap na i no gat wanpela gutpela samting inap long kamap.

Long taim mama i skulim yumi long wokabaut, yumi bin lainim hau bai yumi mas tromim tupela lek bilong wokabaut. Olgeta taim yumi sakim dispela lo, yumi bin kapsait na pundaun na bamim het. Nau yumi karim pen na yumi krai. Yumi bin lainim tu lo bilong

kaikai na lo bilong toktok. Ol i hatwok na yumi no laik. Tasol papa na mama i pulim na grisim yumi, na yumi taitim bun na win. Maski karim pen.

Long taim yumi skulboi na skulmeri, yumi bin lainim ol lo bilong skul. Sapos yumi kalapim lo, orait, i gat bekim, i gat kism save.... Em i wanpela rot bilong skulim skin bilong yumi long taim yumi no laik bihainim rot bilong lo. Papamama na tisa i no stikim yumi, long wanem, ol i no laikim yumi. Nogat. Ol i no laikim pasin nogut bilong yumi. Em tasol. Ol i lukim yumi groap krungut na ol i mas stretim yumi bek.

Long gaden yumi save mekim olsem wantaim ol liklik tri: yumi pasim ol bai ol i gro stret. Yes, yumi tekewe fridom bilong ol, bai ol i ken kamap moa gutpela na sanap stret. Yumi no kros

long ol. Nogat. Yumi tingting long taim bihain bilong ol....

Tingting bilong tisa na papamama i wankain tasol: ol i tingting long trenim na redim ol manki long taim bihain bilong ol. Olsem na sampela taim ol i mas givim liklik pen long ol bilong mekim save long ol. Em i no rong; em i gutpela skul na gutpela marasin. Papamama i no save stretim pikinini bilong tupela, tupela i mekim rong long em.

Wanpela de wanpela yangpela nupela tisa i kam lukim wanpela lapun saveman. Yangpela i tok olsem, "Long tingting bilong mi, yumi mas larim ol pikinini i bihainim laik bilong ol. Ol yet i mas stiaim laip bilong ol long taim ol i yangpela yet. Ol i mas fri."

Saveman i singautim yangpela tisa long kam lukim gaden

bilong em. Tupela i kamap, na tisa ya i kalap nogut na i tok, "Sore, bikman, dispela em i no wanpela gaden. Em i karamap tasol long ol gras nogut."

Nau bikman i bekim tok olsem, "Yes, mi save. Tasol mi bin bihainim tingting bilong yu yet. Long las yia dispela gaden i pulap long ol retpela flawa. Tasol long dispela yia mi larim gaden i bihainim laik bilong em yet. Na nau em i pulap long gras nogut tasol. Sapos yu larim ol pikinini i pinisim laik, bai ol i kamap gras nogut."

I gat planti kain we bilong stretim na stiaim pikinini. Yumi ken grisim em long stap gut, yumi ken givim gutpela eksampe! long em, yumi ken givim liklik pe long em, o sampela taim yumi mas strong long em na yumi mas stikim em yet. Planti rasko! i no bin kism stik long taim ol i

yangpela yet, na nau ol i kros long dispela. Planti bikpela nambaman i groap pinis, nau i tenkyu long papa i bin stikim ol long taim ol i manki yet. Ating nau ol yet i papa bilong famili na ol i save olsem: gutpela papa i mas stretim pikinini.

Sapos pikinini i bosim haus na i bosim papamama na i bosim famili, bai em i trabelman tru long skul na long ples na long taun. Em i no inap sanap stret, long wanem, em i bin gro krungut. Na dispela i no asua bilong em; i asua bilong papamama. Ol i no bin laikim em tru.

Yunaited Sios i no amamas long PNG kism nupela pilai laki

ORIA GEMO i raitim

YUNAITED Sios long Papua Niugini na Solomon Ailan i no amamas long nesanel palamen i oraitim tingting bilong bringim tupela nupela pilai laki i kam insait long kantri.

Dispela ol pilai laki i wankain olsem bingo, hos resis na ol arapela pilai laki bilong winim mani.

Sios i no laikim kantri long kism dispela tupela nupela kain pilai laki long wanem:

- Sios i no save laikim wanpela kain pilai laki. Olsem na em i no laik lukim pilai laki i kamap olsem wanpela rot bilong pulim mani na turis. Ol pipel i mas save long yusim stret mani bilong ol na bihainim gutpela rot long helpim komyuniti bilong yumi. Ol pipel i mas wok hat long kism samting ol i laikim na i no ken yusim dispela

kain isi pasin bilong win. Sapos gavman i sapotim dispela tingting, em bai i no inap wari long wanem hevi em ol pilai laki i kamapim olsem pamuk pasin.

- Bikpela askim bilong Sios i sut long as olsem Papua Niugini bai kism helpim long wanem rot tru. Ol kain turis bilong dispela kain samting long pulim bai laik go long ol arapela kantri we hevi bilong lo na oda i no bikpela tumas.

- Kain ol samting olsem ol laki haus i soim ples klia narapela kain wok kamap we i brukim na tilim ol lain bilong ples wantaim ol lain bilong taun moa yet, i pulim moa pipel long lusim ples na go long ol taun na bai givim wok long ol liklik lain tasol. Bikpela tingting bilong ol wok

kamap samting i mas sut long stretim laip na sindaun tu long ol ples.

- Sapos mipela i lukluk long turis olsem wanpela bikpela bisnis bilong kantri long pulim mani, orait kain bisnis mipela i kamapim long hia i no ken bagarapim kalsa na ol bus, solwara, graun na wara bilong yumi long taim bihain.

Papua Niugini i no ken tingting oltaim long pulim ol turis i kam mekim ol samting em ol inap wokim long ol arapela kantri. Wanem samting yumi i mas mekim em long lukautim na amamas long ol dispela kalsa, bus, diwai, graun na solwara wantaim ol enimal bilong yumi.

- I gat bikpela askim i stap tu long husat tru bai kism helpim long ol kain samting olsem

haus laki. I luk olsem ol lain bilong kism tru helpim em ol risman na meri bilong kantri, dispela em ol lain husat inap pulim bisnis long en.

- I mas gat bikpela lo tambu long dispela. Long planti arapela kantri bilong wol, dispela kain ol ples i save stap long han bilong ol biknem raskol grup. Na long Papua Niugini, hevi bilong raskol i kamap bikpela pinis. Na sapos mipela i no

inap lukautim na daunim ol hevi bilong raskol nau, mipela bai painim hat tru long kamapim lo bilong wok wantaim ol haus laki na raskol pasin.

- Long taim em i toktok egensim tingting bilong palamen long oraitim tupela nupela pilai laki long kantri, Atoni Jenerel Bernard Narakobi i bin sutim toktok long bikpela hevi bilong bia na ol strongpela dring. Man husat i bin go pas long muvim

mosen yet, Tom Amiau tu i tokaut long kain birua em ol haus laki inap kamapim wantaim bia na strongpela dring.

- Sios i bin tingting planti tu bikos liklik namba bilong ol memba long palamen tasol i bin autim tingting bilong bringim tupela nupela kain pilai laki i kam insait long kantri. Na tu long taim bilong vot, i no olgeta memba i bin vot. Fainal mak bilong vot i bin

sanap olsem 24 i yesa na 20 i no laik. Ol liklik lain tasol i no ken toktok na vot long kain bikpela samting olsem. Dispela i no stret.

Olsem na Sios i laikim gavman long rausim dispela tingting bilong bringim tupela nupela pilai laki i kam insait long kantri. Maski long dispela na em i mas painim nau rot na wok bilong helpim sindaun na laip bilong ol pipel long kantri.

Engliken Asbisop tok "lukaut long ol nupela sios"



• Asbisop bilong Kentaberi, George Carey i bunglim ol pipel long Dogura, Milen Be. Em i putim tumbuna tapa laplap bilong ol Popondetta pipel. Ol Waningela pipel i givim em dispela tapa laplap.

BOS bilong olgeta Engliken Sios long wol, Asbisop bilong Kentabri, Dokta George Carey i tokim ol bikpela sios long kantri long lukaut long ol nupela sios.

Dispela ol nupela sios nau tasol i kam insait long kantri inap pulim ol memba bilong ol. Asbisop Carey i tok long dispela kain pasin bilong ol long pulim ol memba, ol inap bagarapim gutpela kristen bilip long kantri.

Dispela samting i kamap nau olsem wanpela bikpela wok bilong ol bikpela sios olsem Engliken, Katolik, Luteran na Yunaited sios long luksave na banisim long kamap.

Asbisop Carey i bin tromoi ol dispela toktok taim em i kibung wantaim ol sios lida bilong Mosbi long Mande apinun. Asbisop na meri bilong em i bin kam stap bilong amamasim 100 yia bilong Eng-

Wokabaut bilong Asbisop Carey long PNG

i kam long pes 4 samting. Krai i no bagarapim ol pasin kastam tasol mekim ol i go gutpela.

"Neks Sande bai mi go long Dogura na bai mi misa long Santu Peter na Paul Ketidrel, em mama bilong Engliken Sios long kantri. Tude yumi misa na prea antap long ples we nupela haus lotu bai kamap long en. Haus lotu bai lukluk i go olsem long Palamen bilong yupela. Ol lida long Palamen i kism pawa long God

na haus lotu bai mekim ol husat i abrusim dispela tingting olsem long kraisi tasol, yumi ken painim nupela laip.

"Bai Mosbi i kamap olsem Dogura long narapela selebresen bilong yupela. Wanem kain tingting yupela i gat nau long bihain bilong yupela?"

Asbisop i mekim ol manmeri i lap taim laudspika long i no wok. Em i tok dispela wankain samting i kamap long haus lotu bilong em. Em i tasim maikropon na i tok,

wanpela samting i rong." Na olgeta manmeri i ting em i statim misa na tok, "Na wantaim yu."

Dispela misa long Mosbi i stap olsem tripela aua olgeta. Na ol Engliken kristen i singim ol planti gutpela singsing long kain kain tokples bilong PNG. Wanpela grup bilong Engliken manmeri i singim ol dispela ol singsing. Dispela grup em ol i redim long dispela misa.

Bihain long misa i gat bikpela kaikai.

KOOL

Filter Kings

KOOL

Government Warning. Smoking
is Dangerous to Health.


Wokabaut bilong Asbisop bilong Kentebri na Engliken bos, Dokta George Carey long poto



• Ol lain Simbai i bungim Asbisop bilong Kentaberi, George Carey na bringim em wantaim Bisop Paul Richardson i go long ples.



• Asbisop George Carey i wasim dispela bebi na kolim namba wan nem bilong em, George long dispela bebi. Dispela em long Popondetta.



• Asbisop Carey i bungim olupela Asbisop bilong ELC-PNG, David Hand (lephan) taim em i kamap long Jacksons ples balus, Mosbi.

Engliken Asbisop tok "lukaut long ol nupela sios"

i kam long pes 6

Engliken Sios long Papua Niugini. Na olgeta amamas na pati i bin pinis long las wiken. Wokabaut bilong Asbisop Carey na ol lain bilong em long kantri i bin stap inap long 10-peia de.

Em i tok planti nupela liklik sios i wok long pulim ol yangpela man na meri bikos kain kristen bilip na tingting long kantri i larim dispela i stap nating na isi long ol nupela sios i ken wok.

"Ol bai kam insait long kantri wantaim wanpela bikpela as tingting na bihain traim long pulim ol pipel long ol sios tru bilong ol," Asbisop Carey i tok.

Tasol em i no inap givim nem long sampela bilong ol dispela "nupela sios".

Dokta Carey i bin helpim ol sios lida bilong Mosbi long painim wanem kain ol rot bilong bihainim na daunim dispela hevi.

Insait long dispela 10-peia de wokabaut bilong em, Asbisop Carey i tok em i amamas tru na i laik kam bek gen. Em i amamas long kain bus, diwai na plawa em Papua Niugini i gat long en.

Olsem na long dispela, em i singaut strong tu long Papua Niugini i mas banisim na lukautim gut fores, wara, solwara, graun na ol enimal bilong en.


"Mi bai go bek long Ingran wantaim bikpela amamas bilong dispela naispela kantri.

"Na mi laikim olsem dispela wokabaut bilong mi bai kamap olsem wanpela bikpela rot bilong ol sios long wok strong bilong helpim kantri long go het."

Dokta Carey i tingting tu long kam bek gen long Papua Niugini pastaim long em i lusim wok olsem Asbisop bilong Kentebri na bos bilong olgeta Engliken Sios long wol.



• Ol manmeri long Dogura i soim pilal long ol namba wan misineri i kamap olsem wanem long Dogura, Milen Be.




• Asbisop Carey i bungim ol kalabusman long Popondetta. Long baksait em Britis Hai Komisina.




• Ol manmeri long Dogura, Milen Be i soim pilal o drama long ol namba wan misineri i kamap olsem wanem long Dogura, long 100 yia i go pinis.

Noken peim moa long ol stoa!



10t 10t 10t 10t

Sapos ol askim moa...go long narapela stoa!



• Ol Albania manmeri na pikinini long Vlora i swim i go kalap long sip ya we i pulap pinis. Ol i ranawe bikos ol i no laikim tok orait bilong ol manmeri long Spen na Albania long i go i kam long tupela kantri ya. Moa long 8,000 Albania manmeri i kalap long tupela Itali sip long ranawe pinis.

Yunaited Nesens opisa painim bom faktori


OL inspekta bilong Yunaited Nesens i painim pinis wanpela bikpela faktori bilong wokim ol marasin samting bilong wokim bom long Irak. Ol mausman bilong Amerika i tok dispela faktori nau ol inspekta i painim i soim olsem Irak i bin minim tru

samting na i laik wokim ol nuklia bom. Na dispela i no liklik olsem ol pipel i bin tingting na toktok pastaim long en. Ol inspekta husat i go lukluk na sekap long dispela faktori i tok sapos olgeta wok i bin go het gut, faktori ya bai stat wokim ol marasin bilong nuklia

bom bihain tasol long dispela yia. Ol mausman bilong Amerika i tok dispela i bin wanpela bilong ol 4-pela rot em Irak i bin yusim bilong traime wokim ol nuklia bom. Tasol ol i gat bikpela bilip olsem i no gat wanpela kain bom olsem i bin pinis. Maski long dispela, ol i no inap tokaut stret sapos wok Irak i mekim long dispela hap pastaim long Galp Woa i bin liklik o no gat. No gat wanpela man o meri inap tokaut yet long dispela.



• Mangala Musami em namba wan blek kepten bilong Bondi 'surf' klap long Australia. Dispela em wanpela resis bilong resis long ol 'seling bot'. Musami em i wanpela hap blut bilong India. Em i lusim Saut Afrika na i stap nau long Australia.



• Sampela bikman bilong Royals Brisben haus sik long Australia i slip ausait long veranda bikos haus sik i pulap. Bikpela wok i kamap nau long stapim dispela hevi.

McCarthy i fri, tasol Lebanon holim yet 11-pela

WANPELA man Inglan husat i stap kalabus long Lebanon i lusim haus kalabus pinis. Dispela man em John McCarthy husat em Lebanon i bin kalabusim wantaim narapela 11-pela man. Lebanon i bin kalabusim McCarthy wantaim ol arapela poro bilong em long sas long wok bilong politik na bisnis. Na McCarthy bai givim wanpela pas i kam long ol lain husat i egensim Islam long Lebanon i mas rausim olgeta kalabus bilong Midel Is i go long han bilong seketeri jenerel bilong Yunaited Nesens, Javier Perez de Cueller. Long nau yet, gavman bilong Siria, Iran na Lebanon i laik wok na tred wantaim ol kantri long Yurop. Na Isrel tu i tokaut long lusim ol kalabus bilong Lebanon husat i stap long hap. Na dispela i soim gutpela mak bilong wok bung wantaim. Bikpela toktok i go het yet long ol arapela 11-pela man em ol Islam grup bilong Lebanon i holim i stap yet. Wanpela lida bilong Islam Jihad, Sheikh Muhammad Hussein Fadlallah i tok planti pait lida bilong Iran i laik pinisim nau dispela kain pasin bilong kalabusim ol man.



• John McCarthy i kam aut long balus na tromoi han long RAF ami bes long Inglan.

Em i tok, "I luk olsem dispela kain pasin bilong traime winim samting long kalabusim ol man i pinis nau. Olsem na olgeta lain i laik painim rot bilong ranawe long olgeta dispela samting." Tasol dispela stori bilong McCarthy i tanim narakain taim ripot bilong narapela kalabus pasin gen i kamap long Beirut. Wanpela nesenelel disasta woka bilong kantri Frans i bin lus.

Teki kirapim pait wantaim ol Kurdistan rebel paitman

TEKI i wokim wanpela ami kem 5-pela kilomita insait long noten Irak. Na ol soldia na woa balus bilong em i wok long painim ol rebel paitman bilong Kurdish Wokas Pati (PKK). PKK em wanpela rebel grup bilong Teki husat i wok long pait strong long ol pipel bilong Kurdistan i mas kisim independen long saut-is Teki. Bihain tasol long Galp Woa, ami bilong Amerika na ol arapela kantri i bin banisim na was long ol Kurdistan pipel long hap. Tasol dispela ol lain i go nau na ol Kurdistan i stap bilong ol yet. Teki i mekim olsem bihain long PKK i bin pairapim bom long wanpela ami kem klostu long Semdinli na kilim 9-pela soldia. Dispela i kamap tu bihainim wanpela bikpela wokabaut em ami bilong Teki i mekim bilong rausim ol kem bilong ol rebel paitman long noten Irak long taim bilong Galp Woa. Wanpela mausman wantaim ami bilong Teki i tok ol i salim pinis 92 F-4 na F-104 balus i go long painim kem bilong ol rebel paitman long noten Irak. Samting olsem 2,000 soldia i stap nau long noten Irak long pait wantaim samting 600 o 700 rebel paitman long wanpela PKK kem long Duji.



• Foapela rana (rile tim) bilong Amerika wantaim Carl Lewis long lephan husat i brukim wol rekot long Suris long las Trinde long rile resis. Ol i winim dispela 4 x 100 mita resis long 37.67 seken. Olpela rekot em Frans i winim brukim em 37.79 seken. Lewis em wanpela sempion bilong ekletik long wol tude.

Timba kampani i no helpim ol papa bilong graun bilong Fafun

Dia Edita,
Mi wanpela manki AUFAN long Madang provins na mi laik autim wari bilong mi long timba kampani bilong ol Japan long AUFAN eria.

Mi laik tok stret olsem dispela timba kampani i bin kam statim wok bilong em long taim Papua Niugini i kisim Independens long 1975. Olsem na em i

gat 16 krismas bilong em nau.

Insait long dispela 16 krismas, mi ken tok stret olsem em i no bin mekim wanpela gut-olpela wok long helpim mipela ol asples. Nau ples i go no gut bikos olgeta diwai i kam daun na kunai tasol i wok long groa.

Mi laik tok olsem dispela kampani i wok long salim diwai bilong

mipela i go bek long ples bilong ol na ol i kirap holim i stap. Taim ol i sot long timba bilong wokim haus bai ol yet i baim long ol gen na yusim.

Mi lukim dispela pasin i no gutpela tru. Olsem wanem long bus na diwai bilong mipela long bihain? Mipela i mas gat bus na diwai long painim abus, mekim gaden, wokim

kanu na kisim ol samting mipela i gat long bus long yusim.

Mi laikim bai gavman bilong mipela i mas kam na toktok gut wantaim mipela ol asples long dispela hevi na kli-aim tingting bilong mipela.

Em tasol na husat i laik bekim em laik

**Aki Milling
MADANG**

Taun kaunsil kisim nating K5

Dia Edita,

Mi wanpela manki Finsafen tasol nau mi stap long Bialla Wes, Nu Briten.

Mi laik sapatim pas bilong susa ya Susan Labe. Pas i bin kamap long *Wantok Niuspepa* namba 890.

Em i tru olsem ol Taun Kaunsil i no save lukluk gut na klinim eria bilong taun. Bus i karamapim taun na tu pipia i pulap tru.

Tasol ol kaunsil i save raun na lukluk taim wanpela man i spet buai ol i hariap tru i askim K5 long em. Mi laik tok olsem ol wok tru bilong ol kaunsil em long klinim taun na i bilong raun na kisim nating mani bilong ol man.

Mekim wok tru na maski long raun nating na kisim nating man bilong Gavman.

**Gozu Merac
BIALLA**

Buai na smok bagarapim Tabari ples

Dia Edita,

Mi wanpela manki Goroka tasol nau mi stap long Mosbi.

Mi laik komplem long ol manmeri husat i save salim buai na smok long bas stop long Tabari ples long Boroko.

Ol i mekim dispela na ples i bagarap olgeta. Mi laikim ol i mas karim maket bilong ol i go long maket ples stret bai i orait bikos dispela i bagarapim ples.

Sapos ol plisman i ken sekim dispela hap olgeta taim, ol i mas paitim ol dispela lain i save maket bai i orait. Ating sapos plis i paitim ol bai ol i harim tok na mekim samting stret.

**Liwai Amiesa
MOSBI**

Tokples Kote i gutpela

Dia Edita,
Mi no amamas long pas bilong brata ya Buana i bin kamap long 7 Julai. Em i tok tokples Kote i mas pinis.

Brata taim yu tok tokples Kote i nogut em ol man tu i save tokples i nogut yu. Ol manmeri bilong Kote i mekim wanem kain rong. I gutpela yu toktok tasol na maski long bagarapim tokples.

**Tipp Boney
KIMBE**

Olgeta manmeri gat save

Dia Edita,
Mi wanpela manki Lufa long Isten Hailans provins na mi laik bekim pas bilong brata ya Botoisim i bin kamap long 25 Julai.

Botoisim i bilong Dagua long Is Sepik provins. Em i tokim susa Philomina J. olsem "mipela ol manki Dagua i save les long soim save bilong mipela long kain pipia meri olsem yu."

Brata noken sampela manmeri pipia na maski long apim save bilong yu yet na daunim save bilong ol narapela lain manmeri. Nau long PNG i gat planti man na meri long olgeta hap bilong kantri i gat save.

**Siaga Wayamo
GOROKA**

Marasin na wokman sot long Ramu



Dia Edita

Mi laik autim sampela hevi bilong mi long niuspepa bai olgeta manmeri i lukim. Dispela hevi sotim laip bilong planti manmeri pinis.

Mi wanpela manki Hagen tasol nau mi wok long Ramu Sugar long Morobe provins. Wari bilong mi olsem, Ramu Sugar em wanpela bikpela kampani tru long kantri.

Long kampani i gat planti manmeri i wok i stap. Mipela i save wok san na nait long wokim suga na salim long ol narapela kantri we PNG i save kisim bikpela mani long en. Mipela i save wok Mande inap long Sande.

Na sampela bilong mipela i save sik bihain long dispela hatwok, tasol i no gat gutpela haus sik long go long en. Dispela haus sik i liklik tru olsem bokis masis na i no gat planti wokman na meri long haus sik.

Sampela taim ol nes na dokta i sanap long dua i

Ol singel meri raun wantaim marit man

Dia Edita,

Mi wanpela manki Hagen long Westen Hailans provins. Na mi gat liklik bel hevi olsem na mi laik autim bel hevi bilong mi long *Wantok Niuspepa* bai olgeta liklik meri long Hagen taun i ken lukim.

Wari bilong mi i go olsem: Planti taim mi save lukim ol yangpela meri Hagen em krismas bilong ol i namel long 15 na 18 save paul wantaim ol lapun wait gras.

Dispela pasin i no gutpela tumas long ia bilong mi na tu long ai bilong ol arapela yangpela manki long Hagen yet. Yupela mas salim stret long wan krismas bilong yupela na maski long salim nabaut.

Kain mani olsem K2 na K1 em i no mani long kain wok olsem. Dispela wok em i bikpela na strongpela wok tumas insait long kain kantri olsem Papua Niugini.

Yupela i givim pen long famili bilong ol dispela lapun man. Ol bai givim yupela dispela liklik mani.

**Sanangke Rondolpi
HAGEN.**

wet i stap na taim mipela i go kamap, ol i save tok i no gat marasin. Na dispela i givim bikpela hevi tru long mipela bikos i no gat narapela haus sik moa i stap klostu. Bikos long dispela ol sikman i kisim taim na sampela dai.

Olsem na mi makim maus bilong olgeta manmeri long Ramu long askim gavman long lukluk long dispela hevi. Mi laik tokaut long sampela samting em i mas kamap:

- srukim haus sik i go bikpela;
- kisim planti wokman na meri long wok; na
- olgeta taim marasin i mas stap.

Dispela em bikpela samting tru, bikos taim ol pipel i orait bai ol i mekim gut wok na developmen bai i go het. Sapos ol pipel i no orait bai olgeta samting i bagarap.

**Jacob Kong
RAMU SUGAR**

Laikim tru ol pren long Papua Niugini

Dia Edita,

Mipela ol sitisen bilong Gana long Wes Afrika husat i laikim sampela penpren long Papua Niugini. Mipela i no klia long *Tok Pisin* olsem na i gutpela sapos yupela inap rait long tok Inglis. Mipela bai amamas long kisim na bekim ol pas bilong yupela.

Ol samting em mipela i save laikim long mekim em; raitim pas, harim musik, ritim Baibel na pilaim ol kain kain spot. Hia em ol nem bilong mipela: LETICIA BASSAW, ESTHER BASSAW na PATRICK BASSAW. Adres bilong mipela olgeta em: P.O. Box 1294, Ghana, West Africa.

Raitim stret nem na adres bilong yu long ol pas. Wantok i no inap printim ol pas we i no gat nem na adres long ol.

Mekim musik long EM TV stail tumas

Dia Edita,

Mi wanpela man bilong laikim tru EM TV progrem bilong mekim musik. Tasol mi laik komplem long ol i mas senisim dispela bun meri husat i save toktok long mekim musik progrem. Mi ting narapela patpela meri pastaim i mas kam bek bikos em i save toktok gut na i no so op tumas.

Mi save les long dispela bun meri bikos em i save mekim planti fansi toktok na stail tumas.

Mi ting sapos ol i senisim em bai i orait bikos planti manmeri i gat wankain tingting olsem mi gat long meri ya.

Narapela samting tu em mi laikim mekim musik progrem i mas pilaim planti musik bilong PNG stret. Ol i mas pilaim tu ol musik bilong Afrika na wanwan bilong ol waitman.

**Joe Hillary
MOSBI**

Ol mama no wasim han na salim kaikai

Dia Edita,

Mi save lukim planti mama i no save wasim han bilong ol na salim buai wantaim kaikai long maket.

Sampela meri i save holim ol kain kain samting na bihain ol i save kam salim buai na kaikai. Long dispela kain tasol na taim yumi baim ol buai na kaikai yumi save kisim ol kain kain sik. Olsem na mi laik askim ol gutpela manmeri na lukluk gut na baim ol samting.

**Sambom J. Kambagit
MADANG**

Mokai na Aluago i wok gutpela tru

Dia Edita,

Mi wanpela manki Saten Hailans tasol nau mi stap long Popondeta long Oro provins.

Mi laik mekim tok amamas i go long tupela memba bilong mipela long provinsal gavman. Tupela memba ya em primia yet, Albert Mokai na Alfred Aluago.

Mi lukim olsem tupela man ya i mekim gutpela wok tru long lukautim provins bilong mipela. Long pastaim olpela memba i kam kisim nem tasol na amamasim ol yet wantaim ol lain bilong ol.

Taim ol i kisim pawa, ol i save haitim ol yet long opis na long taun i stap. Ol i save mekim olsem inap long taim bilong kempen na ol bai i kam aut na soim pes.

Ating dispela pasin i no gutpela tru long ai bilong mipela ol pipel bilong ples. Olsem na mi laik singaut i go long ol manmeri bilong Saten Hailans provins long tingting long votim man.

Nesenel ileksen bai kamap long neks yia olsem na ol manmeri i mas tingting gut long makim ol gutpela lida long lukautim yumi.

**Jack Tayanda
Popondeta**

Sapotim Nalau long rausim moa manmeri

Dia Edita,

Mi wanpela manki Gurakor long Morobe provins tasol nau mi stap long Mosbi.

Mi laik autim bikpela wari bilong mi go long hevi i bin kamap long ples bilong mi tupela mun i go pinis.

Mi bin ritim long niuspepa olsem ol sampela man Sepik na Hailans long Wau na Bulolo eria i bin go na brukim tru ol samting long ples bilong mipela. Ol i stilim ol samting bilong

haus, samting bilong werim, ol kaikai long gaden na stua, ol samting bilong yusim long wok gaden na ol planti samting moa.

Ol i bin brukim tu 6-pela stua na na stilim ol samting insait long en. Ol i mekim ol dispela samting pinis na laitim paia long ol haus bilong ol manmeri.

Mi save stret olsem dispela em ol raskel manki bilong Wau na Bulolo husat i save sanap long rot na holim ol ka na bas.

Mi laik sapotim primia bilong mipela long Morobe provins, Jerry Nalau long go het wantaim gutpela wok em mekim. Em i mas rausim moa yet manmeri bilong narapela hap provins husat i no gat wok na mekim pasin raskel raun long Lae na ol taun bilong Morobe provins i stap.

Em tasol na husat i laik bekim em laik tasol.

Sele Gwagem
MOSBI

Ol plisman i paitim nating ol mau

Dia Edita,

Mi laik autim komplem bilong mi i go long pasin ol plisman i save mekim long ol man ol i holim.

Taim ol plisman i kisim ol man ya i go insait long plis stesin, ol i no save toktok na askim gut ol pastaim. Ol i save kirap na paitim ol long hap diwai, as bilong sotgan na ol strongpela samting. Sampela taim bai ol i kukim ol long hap smok bilong ol. Ol i save bagarapim tru ol man ol i holim.

Dispela kain pasin tasol na belhat i save kamap long ol man. Sapos yu laik soim olsem yu man bilong pait, yu wantaim man ya, yutpela yet mekim save wantaim han stret.

Mi save planti manmeri i gat dispela bel hevi i stap tasol ol i no save tokaut long en. Olsem na sapos yupela arapela i wanbel long dispela belhevi bilong mi, orait rait long Wantok niuspepa na olgeta lain i ken lukim.

Frank na Huko
WEWAK

Ol memba i no bihainim promis

Dia Edita,

Mi wanpela manki Wabag na mi stap long Lae siti. Mi laik autim wari bilong mi long pasin em mi save lukim long ol memba bilong mipela long Palamen.

Long taim bilong ileksen, ol i save giaman opim maus long ol manmeri olsem ol i mas votim ol. Ol bai giaman promis long wokim ol samting long bihain sapos ol manmeri i votim ol.

Mi lukim dispela pasin long olgeta taim bilong ileksen na mi les no gut tru bikos wanem taim bai ol lida tru i kam aut na tokaut stret na soim stret pasin bilong ol long pipel?

Ating mipela ol manmeri i mas sasim ol man husat i laik askim mipela long votim em. Sapos mipela i sasim K20 long wanwan vot mipela i givim bai i orait.

Etata Kemeni
LAE

Morobe i kisim nem longtokples Zia

Dia Edita,

Mi wanpela manki Morobe na mi laik tokaut long nem bilong Morobe provins em ol bikman i no klia long en.

Long Lae So, ol bikman bilong Morobe provins i bin kolim nem bilong Morobe na autim mining bilong em. Ol i tok Morobe em nem bilong wara long tok ples Zia long ples Waria.

Mi laik tok stret olsem dispela toktok i no tru bikos mining bilong nem Morobe em, maus bilong diwai.

Dispela diwai i save stap long ples Yekora. Diwai ya em ol i save kolim Moro long tokples. Bikos wara i save karim ol as bilong diwai ya i kam long solwara ol man i save lukim olgeta taim.

As bilong dispela diwai Moro em wara i save karim i go em, Beta long tokples yet. Olgeta taim wara i karim dispela as bilong diwai ya, Beta i go na ol man i save kolim Morobeta. Em min olsem, as bilong dispela diwai Moro.

Taim ol kiap na misin bilong Jemen i kam, ol i no laikim longpela nem. Morobeta olsem na ol i sotim tasol long Morobe.

Olsem na mi laikim ol manmeri long Morobe i mas save long dispela mining bilong Morobe na no ken giamanim ol yangpela na arapela manmeri bilong narapela provins.

Roni Dowab
MADANG

Pasim gut laplap

Dia Edita,

Mi wanpela manki Tambul long Hagen, Westen Hailans provins. Mi laik komplem long pasin mi lukim long sampela meri long Hagen taun.

Ol i no save pasim gut laplap bilong ol. Ol i save giaman na taitim isi tasol na raun. Taim ol i lukim ol wokman o yangpela man i kam bai ol i giaman olsem laplap i lus na pasim long ai bilong ol.

Mi lukim dispela pasin i no gutpela tru bikos dispela i soim olsem em ol pamuk meri bilong rot. Ol i laik traime na pulim ol man.

Dakauwa Toka
HAGEN



GRAB A BARGAIN TODAY!

BRAND NEW
HYUNDAIS
FROM A LOW
K13,500

- Check List
- Air Conditioning
 - 3 Year Warranty
 - AM/FM Radio
 - Remote Mirrors
 - 5 Speed Manual

MASSIVE STOCK CLEARANCE



tac Say G'dai to THE AUTO CENTRE HYUNDAI


PHONE 25 8566 or 25 8245

TOYOTA STOUT



K13950

BAIM TASOL NA DRAIVIM IGO!




NA HUSAT OL MAN MERI BAIM WANPELA STOUT KAR NEMEL LONG
10 JULAI NA 31 OGUS 1991 BAI GO INSAIT LONG LAKI DRO RESIS
BILONG WINIM WANPELA YAMAHA EF2500 JENEREITA. PRAIS BILONG
JENEREITA INAP LONG MAK BILONG K1250!

HARIAP NAU - I NO PLANTI STOUT LONG
DISPELA SPESEL K13950 DRAIVIM I GO PRAIS!
LONG MT HAGEN TASOL



Ela Motors

PH 522379 WAYNE VOLLMER · 521888 · 521885 · RON BARTLE · CONRAD WETTAO · MICHAEL MACKAY · FRANCIS GUNUA · MEK ONGUGLIO



CAMBRIDGE
A MAJOR SPONSOR

Ol tisa long Kabaleo redi long amamasim 25 yia bilong skul

KABALEO tisa koles long Is Nu Briten provins bai amamasim 25 yia bilong en long Sarere, 17 Ogas, 1991. Koles i bin stat namba wan taim tru long Vunapope tasol long 1966, ol i rausim i kam long Kokopo. Na ol i senisim nem tu i go olsem Kabaleo.

Katolik Sios i ranim dispela skul wantaim helpim bilong nesenel Edukesen bod. Het tisa bilong koles, Sista Therese McNamara i tok moa long 1,697 studen i greduet pinis long dispela skul. Na planti bilong ol i bin givim bikpela han tru long helpim Papua Niugini i gro. Ol arapela i bin helpim tu wok bilong ol meri long kantri.

Sampela bikman husat bai kamap tu long Sarere em Praim Minista Rabbie Namaliu, Is Nu Briten Primia Sinai Brown, na Edukesen seketeri Jerry Tetaga. I gutpela tu olsem olpela het tisa bilong koles Sista Winfred Smith bai kamap long amamasim 25 yia bilong skul.

Koles i kirapim tu wok long nupela edministresen opis. Olsem na skul bai amamas long kisim sampela helpim i kam long ol olpela studen husat i stap nabaut nau long kantri. Salim ol helpim bilong yupela i kam long: *Jubilee Appeal, O.L.S.H. Teachers College, P.O. Box 138, Kokopo, E.N.B.P.* Na yupela i ken bringim tu i kam long Sarere.



Sampela sumatin bilong O.L.S.H. Kabaleo tisa koles i sekap long hevi bilong bateri wantaim salens tisa bilong ol. Ol bai amamasim 25 yia jubili bilong ol long Sande.

Hook up with PTC... and Save! Save! Save!

PTC CONFERENCE PHONE CALLS

Anybody in business will know how time-consuming, and expensive business meetings can be particularly when long distance travel is involved.

But thanks to PTC they needn't be so much trouble any longer!

The PTC conference/seminar phone call system allows you to talk to up to nine people in Papua New Guinea and overseas locations at once.

You can still discuss, inform, instruct and exchange ideas as you would in face-to-face meetings. Only now, you can attend business meetings without ever leaving your office!

To arrange your conference call just dial 011 any time of the night or day, and book your call. All calls will be set up by the PTC Operator and will be charged according to the number of lines and the duration of the call.

Conference calls will save you time and money over and over again. They're yet another great idea from PTC.

Call 011 and book your conference call today!



POST & TELECOMMUNICATIONS CORPORATION
Keeping You in Touch - with Conference Calls.

Nupela stua bilong ol marasin i stap long Lumi

NUPELA medikel stua bilong Sandaun i stap nau long Lumi. Na dispela bai helpim ol man, meri na pikinini long kisim fri marasin long ol edpos, klinik na helt senta long provins.

Provinsal memba bilong Aitape/Lumi, Paul Mambe i sanapim dispela medikal bakstua bihainim ol ripot olsem em i bin yusim ilektorel o Nesenel Dvelopmen Fan (NDF) bilong em long wokim wanpela bikpela bakstua long Lumi.

Memba i no inap

tokaut stret long hamas em i bin yusim long baim ol marasin samting bilong putim long bakstua. Tasol em i tok mani bilong ol marasin i kam long K900,000 NDF mani bilong em.

Na em i yusim nara-pela hap bilong dispela mani long ol arapela projek long provins. Dispela i kamap bikos memba i no amamas long lukim ol helt senta, klinik na edpos i tokim ol pipel long baim marasin bilong ol yet. Long wanem, haus sik i sot long saplai.

Sandaun i no gat rekot bilong mani em i yusim

SANDAUN i save kisim samting olsem K3 milien long baset bilong nesenel gavman tasol ol pipel i no bin lukim kaikai bilong dispela mani.

Seketeri bilong Dipatmen bilong Sandaun, Chris Vihhuri i tok em i wok bilong em long tokim Provinsal Eksekutiv Kaunsil long wanem hap em dispela mani i go long en. PEC bai bringim ripot long provinsal asembli na ol memba bilong wan wan ilektoret bai tokaut long ripot long ol pipel bilong ol.

Tasol Vihhuri i tok dispela i no kamap. Na em i tru olsem provinsal gavman i no gat rekot bilong soim rot em i save lukautim na yusim dispela mani. Na dispela i kamap ples klia taim ol mausman bilong provins i kamap long Pablik Akauns Komiti (PAC) long Tunde las wik.

PAC i painimaut olsem provinsal gavman i pundaun long salim ol rekot bilong we em i save yusim mani long opis bilong Odita Jenerel long 1989 i kam inap nau. Taim ol Odita i sekim ol rekot bilong mani bilong provinsal gavman, ol i painimaut olsem sampela mani i no gat rekot na sampela i stap long ol rong rekot.

Vihhuri i tok taim ol i salim mani i go long ol distrik bilong yusim, ol asisten seketeri bilong wanwan distrik i salim ol ripot bilong mani ol i yusim i kam bek long hetkwata. Tasol taim dispela ripot i kam kamap, em i save paul.

Em i tok dispela long wanem i no gat wanpela grup long hetkwata bipo bilong putim ol dispela rekot long buk. Taim em i kamap olsem seketeri long las yia, em i bin makim wanpela komiti.

Tasol ol memba bilong PAC i tok sampela bilong ol dispela hevi i kamap bikos i no gat ol gutpela wokman. Sampela ol pablik sevan i gat nem nating tasol long wok tru, ol i no gat save. Ol i askim seketeri long kisim ol man tru husat i save long wok. Na tu dipatmen i ken salim ol wokman bilong en i go kisim moa save long yunivesiti.

Vihhuri i tok em i stat pinis long kisim ol nupela wokman. Tasol em i lukim wanpela bikpela hevi nau i stap. Em i tok pe bilong ol samting nau i go antap tru long Vanimo na ol man i les long wok long provins.

Em i raitim wanpela pas i go long Minimum Wages Bod long dispela samting long las yia, tasol em i no kisim wanpela bekim yet.

BISNIS long PAPUA NIUGINI

PRAIS!
PRAIS!
PRAIS!

KAKAO

PRAIS bilong drai kakao long wan wan tan long Rabaul long las wik Tunde inap long Mande long dispela wik

Mande	Tunde	Trinde	Fonde	Fraide	Mande
	6.8.91	7.8.91	8.8.91	9.8.91	12.8.91

Pe ol balya sasim long papa bilong fementri K711 K703 K698 K671 K684

Sapot prais	K503	K503	K503	K503	K503
-------------	------	------	------	------	------

Prais ol papa bilong fementri KI, 214 KI, 206 KI, 201 K1, 174 KI, 187

Sapot prais bilong kakao long dispela mun em K503.35. Dispela prais i no wankain olsem pe bilong kakao long ol narapela hap bilong kantri.

KOPRA

KOPRA Maketing Bod (CMB) i save baim kopra aninit long tripela grup. Namba wan grup em "Hot Air". Dispela em kopra i drai gut. Namba tu em "F.M.S" o (Fair Merchantable Standard). Dispela kain kopra i namel tasol. Narapela hap bilong em i nogut na narapela i gutpela. Na namba tru em "Smoke". Dispela kain kopra i no gutpela tumas.

Prais bilong kopra i pundaun long K5 long wan wan tan long ol bikpela hap olsem Mosbi, Alotau, Lae, Madang, Wewak, Kavieng, Toboi, Kimbe na Kieta. Pe long ol dispela hap i stap olsem:

Smoke	K175
F.M.S	K177
Hot Air	K180

Prais bilong kopra long ol liklik hap i stap olsem:

SAMARAI	Smoke	K143
	F.M.S	K145
	Hot Air	K148

KANDRIAN na NAMATANAI	Smoke	K140
	F.M.S	K142
	Hot Air	K145

BUKA	Smoke	K139
	F.M.S	K141
	Hot Air	K144

FINAFEN	Smoke	K135
	F.M.S	K137
	Hot Air	K140

LORENGAU	Smoke	K130
	F.M.S	K132
	Hot Air	K135

KEREMA	Smoke	K120
	F.M.S	K122
	Hot Air	K125

Dispela ol prais i bilong Julai na i wankain yet long dispela mun. Tasol CMB bai tokaut long wanem ol nupela senis i kamap.



EXCHANGE RATES

BANK BUYS AT Date: AUGUST 14, 1991.

Notes	IT
Australia 1.3740	1.3454
USA 1.0880	1.0533
UK 0.6500	0.6246

BANK SELLS AT:

Australia	1.3341
UK	0.6132
USA	1.0453
Solomon Islands	2.8361
China	5.4070
Fiji	1.5392
Hong Kong	8.0660
India	26.5110
Japan	141.1700
Malaysia	2.8800
New Zealand	1.8021
Philippines	28.4410
Singapore	1.7310
Switzerland	1.5690
Germany	1.7960

GOLD RATES (quoted in US\$)	
Per ounce	\$356.80
Per gramme	\$11.47

CRA bai painim kopa bilong Ol Nu Silan sipsip i Wafi long mun Septemba

CRA maining kampani bai kisim moa papa graun bilong painim kopa long Wafi eria long Morobe provins.

Dairekta bilong CRA, Mosley Moramora i tok wok bilong maining bai i go het. Ol bai putim masin i go aninit long graun long pinis bilong mun Ogas na stat bilong mun Septemba.

Em i tok tupela wik i go pinis, ol papa graun yet i kibung wantaim loya bilong kampani na provinsal gavman long stretim gut hevi bilong ol.

Moramora i tok CRA i luksave olsem ol papa graun em ol wanpinis yet na i no ol narapela lain.

Bai CRA i kibung wantaim ol loya bilong ol asples long neks wik Fraide long Mosbi. Insait long dispela bung, sapos toktok i kamap long ol papa graun i kisim dispela hevi i go long kot, orait ol i ken

mekim olsem.

Dairekta i tok i no gat bikpela as i stap long ol i kisim hevi i go long kot.

CRA bai kisim olgeta wokman long asples yet. Olgeta bai ol leba na konstraksen wok bilong kampani. Dispela em wanpela tok orait em kampani i mekim wantaim ol papa bilong graun long Wafi.

Wanpela asples, Hengambu i no bin orait long kisim 50 pesen loyelti ol i makim long givim em. Hengambu i laik bringim dispela hevi i go long kot.

CRA i no save yet long dispela hevi bikos ol i tok long stapim ol wok. Tasol CRA bai bung wantaim ol loya bilong ol asples sampela gutpela tingting long stretim hevi bilong Hengambu na ol arapela papa bilong graun.

Gavman bai oraitim nupela pemit bilong WTK Realty long katim timba

NESENEL Gavman bai tok orait long pemit bilong WTK Realty kampani long katim timba namel long Bewani na Sera eria bilong Sandaun

provins long namba wan wik bilong Septemba.

Dispela tokaut i kamap long wanpela kibung namel long ol mausman bilong Vani-

mona Lenonas Asosiesen, kampani, Dipatmen bilong Fores na Envairomen na Konsevesen.

Kibung i askim kampani tu long redim

GAVMAN bilong Nu Silan i bin givim 348 sipsip i go long gavman sipsip fam long Korofegu long Isten Hailans provins. Tasol dispela ol sipsip nau i stap long Erap Eksperimental Stesin ausait tasol long Lae.

Balus i karim ol dispela 348 sipsip long Nu Silan i go pundaun long Nadzab ples balus long Lae, Morobe provins. Egrikalsa na Laipstok minista, Tom Pais i bin sambai long bungim ol dispela sipsip.

Dispela wok bung wantaim bilong sipsip bisnis namel long Nu Silan na Papua Niugini i bin stat long 1970 yet taim gavman sipsip program i pundaun. Insait long dispela program, ol i save bungim tupela kain sipsip wantaim na dispela i bin wok gut tru i kam inap nau. Insait long las 7-pela yia, i gat samting olsem 12,000 sipsip i stap nau.

Dispela ol 348 sipsip i kam aninit long nupela 5 yia plen bilong program. Na long pinis bilong dispela 100 yia, Papua Niugini bai kamapim pinis samting olsem 40,000 sipsip.

fores plen wantaim envairomen plen namel long dispela taim na Septemba. Kampani bai toktok wantaim ol beng tu long ol kain kain wok ol bai mekim wantaim ol (beng) taim em i katim timba.

Kampani nau i wok long katim timba. Tasol long Vanimo distrik tasol, dispela pemit bai i orait long kampani long katim timba stat long Bewani na i go olgeta long Sera long Aitape distrik.

Olpela pemit bilong kampani i pinis long las yia. Na gavman i skruim taim bilong kampani long katim timba long wanpela yia moa. Aninit long dispela tok orait, kampani bai katim timba long namba 6 blok tasol. Na tu long wokim wanpela bes kem long Sera. Dispela em long redi long bikpela pemit em gavman bai oraitim long Septemba.

Siaman bilong Lenonas Asosiesen, Michael Sakelu i tok kampani i bihainim dispela askim bilong gavman. Na i wokim bes kem pinis long Sera. Ol


lokel manmeri bilong Sera i tokaut tu olsem kampani i kisim sampela masin bilong em pinis long bes kem.

Sakelu i tok aninit long nupela pemit, em i oraitim kampani long katim timba long 7-pela yia olgeta long eria. Dispela em bilong pinis isim dispela 30 yia kontrak em kampani i sainim wantaim gavman long katim timba long Vanimo aninit long olpela agrimen. Kampani i yusim 23 yia pinis long katim timba long Vanimo eria tasol.

Em i tok nupela pemit i gutpela moa long olpela. Long olpela pemit, kampani i givim tasol royalti mani long ol papa graun na provinsal gavman.

Tasol nupela pemit i gat ol planti gutpela helpim. Hia em sampela bilong ol helpim em kampani bai i givim aninit long dispela nupela pemit:

- baim royalti mani i go long ol papa graun na provinsal gamvan;
- ol papa bilong graun bai kisim 5 pesen takis mani long ol diwai kampani i salim, wantaim agrikalsa takis.



K2.5 milien i dai pinis - ol lain bilong Kare-Puga Dvelopmen Kopresen i kisim tok orait pinis long kisim K2.5 milien i long Papua Niugini Benging Kopresen. Dispela dinau mani bai helpim ol long baim 49 pesen sea bilong ol long Maunten Kare projek. Long poto, Kopret menesa bilong CRA, Mosley Moramoro i kisim sek long han bilong Aillilia Andira na Akoma Peke bilong DKC. Chris Dooley bilong PNGBC i lukluk.

Kopresen i laik helpim ol liklik bisnis man na meri

SMOL Bisnis Dvelopmen Kopresen (SBDC) i redim pinis wanpela 5 Yia plen bilong helpim ol liklik bisnis man na meri. Dispela plen i karamapim kain wok bilong lukautim buk, bungim ol ripot na rekot na lukautim ol liklik bisnis.

Long nau yet, dispela plen i stap long han bilong ol Bod ov Dairekta long tok orait long en.

Eksekutiv dairekta bilong SBDC, Francis Tike i tok kopresen i redim dispela plen bilong helpim ol liklik man na meri husat i laik kirapim ol lik-

lik bisnis nabaut.

"Planti pipel i laik kirapim bisnis tasol ol i no save long wanem rot bilong bihainim, lukautim na ranis bisnis, stretim ol buk wantaim pepa samting na raitim ol ripot. Olsem na sapos ol i laik go long lukim ol bikpela kampani i save givim helpim long pasin bilong ranim bisnis, dispela bai kosim ol bikpela mani tru. Na planti i no inap bungim dispela kain mani."

Aninit long rot em SBDC i laik kirapim nau, kopresen bai helpim long statim na ranim bisnis inap long taim

olgeta samting i go het na wok gut. Bihain ol bai lusim olgeta wok nau long han bilong papa o mama bilong bisnis yet.

Tike i tok wok bilong kopresen bai sut tu long ol taun na ples wantaim. Na i no long wanpela kain bisnis olsem kakao o kopi tasol. Nogat. Em bai lukluk long olkain bisnis long taun na ples. Long wankain taim, em bai lusim wok bilong helpim na lukautim graun samting long han bilong ol lain i save lukautim wok didiman. SBDC i bilong givim aida na helpim toktok

wantaim tingting tasol bilong ranim bisnis na lukautim ol buk samting.

Smol Bisnis Dvelopmen Kopresen bai givim tu helpim long ol arapela planti wok aninit long dispela nupela 5 Yia plen. Wanpela bilong ol em long helpim ol kontrak kampani long winim ol wok, traim kisim wok wantaim Pablik Woks o bihainim dispela rot bilong Tenda Bod.

Na tu kopresen bai traim luksave long ol wok bisnis wantaim ol lain insait long wanpela kontrak.

Dok na kapul painim meri bilong man Kagua

LONG bipo tru long ples Puluparu long Kagua, Sauten Hailans provins i gat wanpela man i stap. Nem bilong dispela man em Koteke Paru na em i no marit.

Long wanpela bikmoning tru, Paru i kirap, kisim ol spia samting bilong em na bihainim rot i go olsem long maunten Poduke bilong painim abus. Em i go kamap stret long as bilong maunten na i bungim pikinini wail dok i slip long ol pipia diwai i stap. Boi kirap karim dispela pikinini wail dok i go long haus.

Paru i lukautim dispela pikinini wail dok i go inap em i kamap bikpela. Em nau, tupela i kamap gutpela pren tru. Olgeta taim Paru wantaim dispela dok i save go painim abus long bus na tupela i save bagarapim i stret.

Wanpela taim Paru i wok long klinim gras long dok bilong em i stap na em i tromoi toktok olsem, "Sori tru pren bilong mi. Yumi tasol i stap i no gat tamiok bilong katim diwai." Dispela dok ya i harim olsem na i go kilim wanpela kapul meri. Dispela kapul i gat bel olsem na tupela i kaikaim mama na lukautim pikinini kapul ya.

Dispela kapul tu i go bikpela na ol tripela i kamap gutpela pren tru. Tasol dispela man i no amamas yet. Olsem na em i tokim tupela pren bilong em olsem, "Yumi gat planti kaukau tru ya. Tasol yumi no gat pik bilong abusim wantaim ol dispela kaukau." Olsem na kapul wantaim dok ya i go long bikbus na raunim wanpela meri pik i gat bel i kam arere stret long banis bilong gaden. Dok i stat long singaut nau na Paru i wok about isi tasol bilong go lukim wanem samting i rong. Man, em i kalap nogut tru long lukim mama pik i gat bel i stap.

Orait Paru i wokim banis na lukautim dispela pik i go inap taim em i karim pikinini. Em nau, boi i kamap risman stret



long ol pik. Tasol em i stap wantaim bikpela wari yet. Wanpela apinun em i sindaun lukluk long san i red i go daun na kirap tromoi toktok gen long dok wantaim kapul, "Sori, oltaim mi save hatwok long kukim kaikai, klinim gaden, pulimapim wara na lukautim yumi olgeta. Sapos i gat meri, dispela olgeta samting bai isi tru."

Bihain long em i tromoi dispela hap toktok, dok wantaim kapul i kirap na go long wanpela longwe ples tru. Tupela i go kamap na lukim bikpela lain meri i wok long kukim bus i stap bilong wokim gaden. Kapul i kalap i go antap long wanpela diwai na sindaun wetim dok i stap. Dok i kirap spit i go insait long hap ol meri i stap na luk-

luk raun. Em lukluk i go na lukim wanpela naispela meri tru. Olgeta skin bilong meri tu i lait tumas na winim olgeta gris bilong pik.

Dispela meri i wok i go na nek bilong em i drai nau na em i laik go daun long baret wara. Isi tasol dok i bihainim long baksait. Tasol long dispela hap, kapul tu i sindaun na wet tasol i stap. Long wankain taim yet em meri i lukim kapul long han bilong diwai, dok i kalap i go antap na giaman long kilim kapul. Kapul i pundaun i go daun na taim meri i laik go holim em, kapul i kalap i go longwe long baret wara. Dok wantaim kapul i wok long mekim olsem tasol i go na pulim meri i go longwe olgeta long na i go kamap long banis

bilong Paru.

Taim Paru i harim dok bilong em i singaut, em i kalap i kam ausait na lukim meri ya i sanap i stap. No gat moa toktok na tupela i marit na kamapim bikpela haus lain.

Wanpela taim nau na dispela haus lain i laik kilim pik bilong wokim pati. Ol i wok long kilim ol pik i kam tasol dok wantaim kapul i go banisim dispela mama pik em tupela i bin kisim i kam namba wan taim tru. Paru i no harim toktok bilong tupela na i go kilim dispela pik. Orait dok wantaim kapul i kros na dok i ranawe i go long bikbus na kapul i go hait insait long hul bilong ston. Em tasol stori tumbuna bilong mi.

Kaua Kondeanea, Lae siti, Morobe provins.



MCH klinik long Wewak i pulap tru long ol mama husat i gat bel. Wanpela nes bilong Tolai i wok i go na tuhat nogut tru. Em belhat wantaim na kirap bikmaus long ol mama, "Yupela ol mama i mas traim long bel isi liklik ya." Wanpela mama bilong Angoram i sindaun baksait i kirap na bekim, "Olsem na watpo gavman i tambuim bia long Wewak? Dispela as na ol papa i les long go raun na i laik stap long haus na holimpas tasol."

Mike Phills, Wewak, E.S.P.

LAPUN Bukawa long Morobe provins i wetim PMV i stap bilong go long haus sik. Stret ol plisman i kamap na kisim em i go long haus sik. Boi go sindaun long lain i stap na nes i askim em, "Yes bikman, wanem nem bilong yu." Na bikman Bukawa i bekim, "Sut." Nes i askim gen na bikman Morobe i givim wankain bekim. Nes i tingting krangki nau na kirap ringim ol plisman. Ol i kamap lukim bikman ya na askim em, "Hey Sut, yu mekim wanem long hia?" Taim nes i harim olsem, em kirap na tokim ol plisman, "Sori, mi asua ya. Lusim em i stap, mi no givim marasin long em yet." Nes i givim marasin pinis na tokim bikman Bukawa ya, "Yu tanim na mi givim wan nem bilong yu pastaim." Boi pundaun isi tasol i go daun long bet na nes i givim sut long em. Tasol taim nes i laik kirapim em, bikman ya i slip indai olgeta. Nes i go kisim wara i kam givim em na lapun Bukawa i wokim draipela lap tru insait long haus sik.

Tirp Boney, Kimbe, W.N.BP.

TUPELA brata bilong Aglimp long Westen Hailans i lusim haus long biknait na i laik go long ples long narapela sait bilong maunten. Long haprot, ol birua i raunim tupela na kilim wanpela. Narapela poro i ranawe go hait na long bikmoning em i kam bek na lukim poro bilong em i slip krangki i stap. Em krai nogut tru na laik stretim tupela lek bilong dai poro bilong em. Tasol i no inap bikos tupela lek wantaim i tait olgeta pinis. Boi belhat wantaim na kirap givim gutwan stret long maus bilong daiman na tokim em, "Watpo na yu no laik tanim bek na kilim dispela ol man i kilim yu long en. Yu laik giaman na kilim mi, ah? Goan, yu stap na painim rot o kirap na wokabaut i kam bihain." Boi lusim em na tekov long ples.

J. Mof Hagen, W.H.P.

EMTV

THURSDAY 15TH AUGUST, 1991	FRIDAY 16TH AUGUST, 1991	NEWS UPDATE	SUNDAY 18TH AUGUST, 1991	TUESDAY 20TH AUGUST, 1991	WEDNESDAY 21ST AUGUST, 1991
6:00 TEST PATTERN AND MUSIC	6:00 TEST PATTERN AND MUSIC (G)	10:29 EMTV NEWS MAGAZINE	8:00 TEST PATTERN AND MUSIC	6:00 TEST PATTERN AND MUSIC	6:00 TEST PATTERN AND MUSIC
6:27 STATION OPEN	6:27 STATION OPEN (G)	10:30 GUNSMOKE (PGR)	8:25 STATION OPEN	6:27 STATION OPEN	6:27 STATION OPEN
6:30 ITN WORLD NEWS	6:30 ITN WORLD NEWS (G)	11:27 MEDITATION	10:55 STATION OPEN	6:30 ITN WORLD NEWS	6:30 ITN WORLD NEWS
7:00 TODAY SHOW (G)	7:00 TODAY SHOW	11:30 STATION CLOSE	11:00 WIDE WORLD OF SPORT	7:00 TODAY SHOW (G)	7:00 TODAY SHOW (G)
9:00 STATION CLOSE	9:00 STATION CLOSE (G)	SATURDAY 17TH AUGUST, 1991	1:00 BUSINESS SUNDAY	7:52 EMTV TOKSAVE	7:52 EMTV TOKSAVE
1:42 STATION RE-OPEN	1:42 STATION RE-OPEN (G)	8:00 TEST PATTERN AND MUSIC	2:00 SUNDAY (G)	7:55 EMTV NEWS UPDATE	7:55 EMTV NEWS UPDATE
1:45 MIDDAY WITH RAY MARTIN (PGR)	1:45 MIDDAY WITH RAY MARTIN (PGR)	12:57 STATION OPEN	4:00 SPORTS SUNDAY	8:00 THE YOUNG DOCTORS	8:00 THE YOUNG DOCTORS
3:00 SESAME STREET	3:00 SESAME STREET (G)	1:00 WIDE WORLD OF SPORTS	6:00 NATIONAL EMTV NEWS	8:52 EMTV TOKSAVE	8:52 EMTV TOKSAVE
4:00 KIDS KONA	4:00 THE REAL GHOST BUSTER (G)	5:00 LAVERNE & SHIRLEY "Short on time"	6:23 THE ROAD TO THE 1991 SOUTH PACIFIC GAMES	8:55 EMTV NEWS UPDATE	8:55 EMTV NEWS UPDATE
4:30 TEENAGE MUTANT NINJA TURTLES (G)	4:30 TEENAGE MUTANT NINJA TURTLES (G)	5:27 EMTV TOKSAVE (G)	6:30 SPORTS ACTION "Rugby League"	9:00 FLYING DOCTORS	9:00 FLYING DOCTORS
5:00 GILLIGAN'S ISLAND "Castaway picture presents"	5:00 GILLIGAN'S ISLAND (G)	5:29 NATIONAL EMTV NEWS BREAK	8:25 CHIT CHAT WITH SIR PAULIAS MATANE	9:54 EMTV NEWS UPDATE	9:54 EMTV NEWS UPDATE
5:27 EMTV TOKSAVE	5:27 EMTV TOKSAVE	5:30 GILLETTE (G)	8:30 60 MINUTES	9:59 EMTV NEWS MAGAZINE	9:59 EMTV NEWS MAGAZINE
5:29 NATIONAL EMTV NEWS BREAK	5:29 NATIONAL EMTV NEWS BREAK (G)	6:00 NATIONAL EMTV NEWS	9:22 EMTV TOK SAVE (G)	10:00 SPORTS ACTION	10:00 SPORTS ACTION
5:30 HOME AND AWAY	5:30 HOME AND AWAY (G)	6:30 HEY HEY IT'S SATURDAY	9:25 NATIONAL EMTV NEWS UPDATE	11:57 MEDIATION WITH PASTOR WALO ARNI	11:57 MEDIATION WITH PASTOR WALO ARNI
6:00 NATIONAL EMTV NEWS	6:00 NATIONAL EMTV NEWS	8:22 EMTV TOKSAVE	9:30 SUNDAY NIGHT MOVIE "Rattle of a simple man" (AO)	11:30 STATION CLOSE	11:30 STATION CLOSE
6:30 A CURRENT AFFAIR	6:30 A CURRENT AFFAIR	8:25 EMTV NEWS UPDATE	10:57 MEDITATION	TUESDAY 20TH AUGUST, 1991	TUESDAY 20TH AUGUST, 1991
7:00 SALE OF THE CENTURY (G)	7:00 SALE OF THE CENTURY (G)	8:30 SPORTS ACTION (G)	11:00 STATION CLOSE	6:00 TEST PATTERN AND MUSIC	6:00 TEST PATTERN AND MUSIC
7:25 EMTV NEWS UPDATE (G)	7:25 EMTV NEWS UPDATE (G)	10:29 EMTV NEWS MAGAZINE	MONDAY 19TH AUGUST, 1991	6:27 STATION OPEN	6:27 STATION OPEN
7:30 NEIGHBOURS (G)	7:30 NEIGHBOURS (G)	10:30 HAWAII 5-0 (PGR)	6:00 TEST PATTERN AND MUSIC	6:30 ITN WORLD NEWS (G)	6:30 ITN WORLD NEWS (G)
7:52 EMTV TOKSAVE	7:52 EMTV TOKSAVE	11:27 MEDITATION	6:27 STATION OPEN	7:00 TODAY SHOW (G)	7:00 TODAY SHOW (G)
7:55 EMTV NEWS UPDATE	7:55 EMTV NEWS UPDATE	11:30 STATION CLOSE	6:30 ITN WORLD NEWS	9:00 STATION CLOSE	9:00 STATION CLOSE
8:00 HEY DAD	8:00 FAMILY TIES (G)	10:30 HAWAII 5-0 (PGR)	7:00 TODAY SHOW	1:42 STATION RE-OPEN	1:42 STATION RE-OPEN
8:54 EMTV NEWS UPDATE	8:54 EMTV NEWS UPDATE	"Didn't we meet at a murder somewhere"	9:00 STATION CLOSE	1:45 MIDDAY WITH RAY MARTIN (PGR)	1:45 MIDDAY WITH RAY MARTIN (PGR)
8:59 EMTV NEWS MAGAZINE	8:59 EMTV NEWS MAGAZINE	11:27 MEDITATION	1:42 STATION RE-OPEN	3:00 SESAME STREET	3:00 SESAME STREET
9:00 21 JUMP STREET	9:00 21 JUMP STREET	11:30 STATION CLOSE	1:45 MIDDAY WITH RAY MARTIN (PGR)	4:00 THE REAL GHOST	4:00 THE REAL GHOST
"Fun with animals" (PGR)	"Fun with animals" (PGR)				
10:00 SPORTS ACTION	10:00 SPORTS ACTION (G)				
10:57 MEDITATION WITH PASTOR WALO ARNI	10:57 MEDITATION WITH PASTOR WALO ARNI (G)				
	10:24 NATIONAL EMTV				



WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon-25 2500 na askim long

MIRI AIORI long Ext 203
JOHNATHAN BOMIEPE long Ext 215
KOSINTO FOSAGU long Ext 216



MORTGAGEE SALE

- Medium covenant fibro dwelling. Lot 19 Section 113 Bumbu Road, Omili, Lae. State Lease Volume 45 Folio 26
- Property at Portion 7 Milinch Kaiapit Fourmil Markham. State Lease Volume 46 Folio 26. The property contains 1472 acres. It is situated at Geram (Kaiapit) 126 kilometres from Lae and approximately 10 kilometres from Okuk Highway.
- Property at Portion 29 Milinch Onga Fourmil Markham. State Lease Volume 37 Folio 61. The property contains 3 roods 27.5 perches. It is situated near Mutzing Station 136 kilometres from Lae along Okuk Highway.

The following clauses are to be printed under each of the properties:-

The tenders close on 9/9/1991

The PNGBC retains the right to accept or reject any tender submitted.

For further information please contact Mr Kini Geno on Phone No. 42 2244. All tenders are to be addressed to the Manager, PNG Banking Corporation, P O Box 104 Lae, Morobe province.

ACWU AMALGAMATED GENERAL WORKERS UNION

TOK SAVE LONG PASIM WOK KIBUNG

Tok save i go long olgeta ful memba bilong Amalgamated Jenerel Wokas Yunien husat i wok wantaim Hebou Constructions (PNG) Pty Ltd; J.D. Hayes Pty Ltd; na Paradise Bakery (Boroko) Pty Ltd olsem wanpela kibung bilong yupela long pasim wok bai kamap long Mande 19 Ogas, 1991. Yupela olgeta i mas kamap long dispela kibung long 12 klok apinun. Ples bilong kibung em long Jack Pidik Oval - 5 Mail trefik lait.

Employas Federesen bilong Papua Niugini i no oraitim na rausim pinis olgeta askim bilong mipela i go long wan wan kampani. Menesmen bilong ol dispela kampani i laik toktok tasol Federesen i no laik. Ol i laik pretim mipela tasol.

Olgeta ful memba i mas kamap long dispela kibung. Long wanem mipela bai inap tokaut long wanem samting bilong mekim.

Tenkyu tru!

Andrew T.W. Kandakasi,
Jenerel Seketeri



PAPUA NEW GUINEA NATIONAL SONG

Words and music by
THOMAS SHACKLADY (b. 1917)

(♩ = 100)
VERSE

1. O a - rise all you sons of this land. Let us
2. Now give thanks to the good Lord a - bove For His

sing of our joy to be free. Prais - ing God and re - joic - ing to
kind - ness. His wis - dom and love For this land of our fa - thers so

be free. Pa - pu - a New Gui - nea
Pa - pu - a New Gui - nea

CHORUS

Shout our name from the moun - tains to seas - Pa - pu -
Shout a - gain for the whole world to hear Pa - pu -

a New Gui - nea Let us raise our voices and pro -
a New Gui - nea We're in - de - pen - dent and we're

clam tree. Pa - pu - a New Gui - nea
PA - PU - A NEW GUI - NEA

Words and music by Chief Inspector Thomas Shacklady, Bandmaster of the Royal Papua New Guinea Constabulary. Adopted in 1975, when the country became independent.

An initiative
by the Department of Prime Minister and National Executive Council
as an incentive for National Pride and Unity

WANTOK

NIUSPEPA BILONG OL. PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

MIRI AIORI long Ext 203
JOHNATHAN BOMEPE long Ext 215
KOSINTO FOSAGU long Ext 216



The Bank of Papua New Guinea Announces The 1991 . . .

"South Pacific Games" 100 Kina Gold Proof Coin

Beauty, Scarcity, and Very Real Potential For Increasing Value In A Stunning Gold "Sports" Coin . . .

This year, Papua New Guinea is issuing its first sports coin ever — commemorating the 9th South Pacific Games.

Sports coins are among the most popular commemoratives with collectors around the world. Many issues have increased dramatically in price — such as the 1952 Finland Olympic silver coin that contains less than \$1 worth of silver, but now catalogs for up to \$400. The mintage of the Finland Olympic coin was 19,000 — but only 5,000 of the new Papua New Guinea South Pacific Games coins have been authorized!

Papua New Guinea's "Bird of Paradise" Gold Coins Have a Long Tradition As Strong Performers

Papua New Guinea's gold coins have featured the magnificent native Bird of Paradise for almost 100 years.

Let's compare the first gold "Bird of Paradise" coin with the newest one:

Date	Weight	Fineness	Mintage	Issue Price
1895	7.965 gm.	.900	1,500	\$3*
1991	9.570 gm.	.999	5,000	\$359

*The current value of the 1895 coin is \$10,000! The potential of the 1991 issue is obvious.

Why You Should Order Your 1991 "South Pacific Games" Gold Coins Now:

First Sports Coins: While this is not the first time that Papua New Guinea has hosted the South Pacific Games, it is the first time that the Bank of Papua New Guinea has issued a commemorative coin for the event. This is the first sports coin of any kind issued by this country!


Limited Edition — 5,000 Proofs For Worldwide Distribution: Like the 1978 "Golden Butterfly" coin (which has almost tripled in value), the 1991 "South Pacific Games" gold coin will have a tiny authorized mintage of only 5,000 pieces — and a quick sell-out is considered likely.

Unique Seven-Sided Coin: Collectors and investors alike are drawn to unusual or unique coins. And the "South Pacific Games" commemorative certainly qualifies as being unusual. Instead of the standard round shape of virtually all coins, this unique design has seven sides!

Serially Numbered Certificate of Authenticity: Each coin is accompanied by a Certificate of Authenticity, which attests to the fact that these are legal tender coins officially authorized by the Bank of Papua New Guinea.

Attractive Designs Struck At The Perth Mint, "Australia's Precious Metal Mint": Coin features prize-winning design by local art student Mira Miria, which combines a stylized Bird of Paradise with the number "9," representing the 9th South Pacific Games. Reverse shows the magnificent Bird of Paradise Coat-of-Arms, depicted on most coins of this country for the past century.

A Genuine Legal Tender Coin — Not A Medallion: Unlike many of the commemoratives now being produced around the world, the 1991 "South Pacific Games" 100 Kina Proof Gold Coins has official legal tender status.



Shown larger than actual size — 27 mm • 9.57 grams • .999 fine • Maximum Mintage: 5000

Official Order Form

The 1991 Papua New Guinea 100 Kina Gold Proof Coin

Bank of Papua New Guinea
P.O. Box 121
Port Moresby, Papua New Guinea

Please accept my order for _____ (quantity) 100 Kina "South Pacific Games" gold proof coin(s) at the issue price of K345 each, plus K5 for handling.

I enclose my remittance of K _____ as payment in full (payable to Bank of Papua New Guinea).

(Please print clearly)

Name _____

Address _____

Prices valid for orders received by October 31, 1991.

Orders for the 1991 100 Kina Gold Proof coin should be entered on the form at right and mailed directly to the Bank of Papua New Guinea, P.O. Box 121, Port Moresby.



9th SOUTH PACIFIC GAMES
PAPUA NEW GUINEA 1991

Saut Pasifik Gems Faundesen i laikim ol komyuniti lida bilong wan wan provins long bringim ol tumbuna bilas i kam long opis bilong Gems Faundesen.

Dispela ol samting i mas kamap long opis bilong Saut Pasifik Gems Faundesen pastaim long Fonde, 22 Ogas, 1991.

Mipela bai amamas long helpim bilong yupela.

Sapos yu laik save moa, toktok wantaim tumbuna bilas kodineta, Ombone Kaiku long telipon namba 25 1991.

MALI VOI OBE
Siaman
Opening Seremoni
Sab-Komiti



MEMORIAL PLAQUES

Brass and Aluminium

ALU SIGNS PTY LTD

PO BOX 7081, BOROKO PH: 25 4800
STORE: NEAR BOROKO POLICE STATION

For draws, point ladders, tables from all the provincial centres every week in your

THE TIMES
&

WANTOK

NIUSPEPA BILONG OL. PAPUA NIUGINI STRET

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

MIRI AIORI long Ext 203
JOHNATHAN BONIEPE long Ext 215
KOSINTO FOSAGU long Ext 216**KOPI INDASTRI KOPERESAN**

Minista bilong Didiman, Tom Pais i tokaut pinis long Kopi Bisnis olsem kibung bilong Palamen long mun Ogas bai lukluk gut long Kopi Industri Bil. Dispela i toktok long ol wok na pawa bilong Kopi Industri

Mista Pais i askim olgeta kopi bisnis man na meri long no ken tingting planti olsem Palamen i no oraitim nupela lo yet. Em i tok Palamen i harim pinis namba wan na tu tok save bilong Bil. Na ol i srukim i go long narapela kibung bilong Palamen.

Minista i tok planti memba bilong Palamen i sapatim tingting bilong kirapim nupela Kopi Industri Koperesen. Tasol sampela i tingting planti yet. Planti toktok i sut long kain wok namel long Gavman na Industri, husat bai toktok long ol invesmen na husat bai Makim ol Dairekta bilong Bod. Em i tok tingting bilong sampela memba olsem ol ovasis man na meri bai lukautim kopi bisnis i no tru. Planti plantesin long Papua Niugini nau i stap long han bilong ol Papua Niugini pipel yet. Na ol lo i karamapim kopi bisnis i strong olsem ol liklik groa i mas stap antap oltaim. Siaman bilong Bod i mas sitisen bilong Papua Niugini.

Mista Pais i tok namel long nau na 20 Ogas taim Palamen bai bung gen, Interim Kopi Industri Bod na Dipatmen bilong Egrikalsa na Laipstok bai lukluk na sekap long ol toktok em i bin kamap long Palamen.

Minista i tok em i bin amamas long lukim bikpela pait toktok i kamap, tasol em i luksave tu olsem i gat planti samting bilong kliaim tingting bilong ol memba pastaim. Minista i tok ol memba i mas klia gut long wanem ol samting i stap namel long Bil na Kampani Ekt. I tru olsem ol Memba i bin autim planti tingting na toktok. Tasol insait long tupela yia bilong ol toktok, Bil o Kampani Ekt i karamapim pinis ol dispela samting:-

Minista i tok dipatmen bilong em wantaim nupela Bod i tingting long holim wanpela kibung wantaim ol memba bilong palamen long bekim na askim wanem samting ol i laikim long en. Long dispela rot, olgeta inap helpim na kliaim tingting bilong ol memba.

Em i tok long wankain taim, em wantaim ol wokman na meri bilong em long Dipatmen bai amamas long bekim ol askim i kam long ol MP na ol manmeri long industri. Olsem bai olgeta lain i klia gut long wanem samting i kamap.

Minista i tok gen olsem ol tingting na wok bilong Kopi Industri Koperesen i stap olsem nambawan rot bilong ol bisnis long agrikalsa. Dispela i no min olsem CIC bai wok olsem wanpela praivet kampani bilong pulim winmani. As tingting i bilong mekim dispela nupela oganaisesen i lukluk na glasim gut olgeta kopi bisnis insait long kantri. Na wok bilong em tu bai i narakain olgeta long wanem samting em CIB, CDA na CRI i bin mekim bipo. Sevis ol pipel i kisim long CIC bai narakain olgeta. CIC bai kisim wok i go stret long haus lain we kopi groa i stap i ken kisim sevis.

Planti lo bilong Kopi Industri Koperesen Bil i bin stap wok planti yia pinis aninit long Kopi Industri Ekt. Na nau, sampela senis i kamap long ol lo bilong givim laisens na wok bihain long wanem samting i bin kamap bipo. Sampela toktok bilong Kopi Industri Ekt i no stap insait long CIC Bil em long ol as tingting na wok bilong koperesen, rot bilong makim ol Bod Memba na wanem rot bilong Menesmen bai wok. Dispela olgeta samting i stap insait long wanem samting mipela kolim olsem "Company's articles and Memorandum of Association". Dispela i kam aninit long lukaut bilong Kampani Ekt. Long dispela rot, industri bai stap fri long ranim na lukautim wok bilong en yet. Na long wankain taim, Gavman bai i gat kain pawa bilong kam insait na stretim ol bagarap sapos em kamap insait long wok bilong CIC.

Mista Pais i tok kain tingting bilong lukluk hariap i go het na banisim ol asua inap kamap bihan i no tru. Minista i tok i gutpela long larim koperesen i wok na painim wanem hap em i pundaun na wanem hap em i gutpela pastaim. Bihain orait ol i ken lukluk long kamapim ol senis.

Minista i tok ol lain long ovasis i wok long lukluk na putim ai gut tru long tingting bilong Papua Niugini long statim CIC. Papua Niugini i wok long kamap nau olsem ples bilong traim lukautim ol bisnis gut. Sapos mipela i statim CIC bihainim kain tingting nau i stap long en, dispela bai helpim mipela tu long kisim helpim mani na sapat long ovasis.

**HON. TOM PAIS
MINISTA BILONG
EGRIKALSA NA LAIPSTOK**



SOFBAL

GREN FAINAL NAU LONG BOMANA

GREN fainal bilong Bomana op sisen sofbal resis bai kamap long Bomana sofbal graun long Sande 18 Ogas, 1991.

Insait long dispela fainal bai McGregor 2 i bungim bikpela susa bilong em yet, McGregor 1 na painimaut husat bai i sempion bilong 1991.

Long las wik Sande, McGregor 2 i bungim ol yangpela meri bilong McGregor 3 na slekim olgeta pawa bilong em. Dispela gem i bin wansait win stret bilong McGregor 2. Bikos em i skorim 21 poin long McGregor 3 husat i skorim tasol 8 poin.

Long dispela, McGregor 2 i kisim isi wokabout i go nau long gren fainal long dispela wiken.

Kodineta bilong Bomana sofbal, Andrew Moe i tok pitsa bilong McGregor 3 i no bin pilai gut long dispela gem. Pitsa ya em Monica Tali. Na em i givim sans long 15 McGregor 2 pilaia long wokabout i go long bes.

Pitsa bilong McGregor 2, Leo Kou i givim wokabout tasol long 4-pela pilaia bilong McGregor 3. Long dispela as na McGregor 2 i kisim planti poin na win long fultaim.

Andrew Moe i tok Monica Tali em nupela yangpela meri. Na em i no gat eksperiens yet long wok bilong pitsa. Olsem na hevi bilong em i givim het pen long tim bilong em.

Long dispela Sande gren fainal long 2 klok apinun, bai gem ya i gutpela na strongpela stret. Olgeta hevi i stap nau long han bilong tupela pitsa bilong McGregor 2 na McGregor 1 wantaim. Sapos narapela i kamapim planti asua, bai tim bilong em i lus.

Long McGregor 2, Elizabeth Mika na Carlyne Barnabas long namba wan na namba tu bes bai traim long glasim gut gem bilong ol, na kamapim planti gutpela helpim.


Long McGregor 1, ol meri husat bai pilai ausait long bes i mas pilai hat. Bikos ol i save gat sampela hevi i kamap long ol.

Ol meri bilong McGregor 2 em Leo Kou long pitsa, Antonia Mosel long bekstop, Joel Topru long namba wan bes, Elizabeth Mika long namba tu bes Carlyne Banabas long namba tri bes, Gloria Mathias long sot stopa, Anna Guam rait autfil, Sally Mikie sentrel autfil na Julie Dawao long lep autfil. Risev em, Rose Ambros.

Ol meri bilong McGregor 1 em Paraide Manau long pitsa, Tabita Moe long sot stopa, Betau Fali long namba wan bes, Miriam Isiki long namba tu bes, Robby Kilala long namba tri bes, Cilian long rait autfil, Kalana long sentrel autfil na Anna Wangu long lep autfil. Risev bilong ol em, Kurila Melevia.

Tupela tim wantaim i gat ol gutpela pilaia tasol na bai ol i kamapim gutpela gem tru. Ol tupela tim wantaim i gat pawa long paitim bal na tu long givim bel hevi long narapela.

Ol referi bilong Mosbi sofbal resis bai lukautim dispela gren fainal long Bomana. Andrew Moe i tok bihain tasol long gren fainal bai ol i givim ol prais ba presen nambaut long Bomana sofbal graun yet.



1990/91 Mosbi sofbal eksen - Ketsa bilong Eagles i sanap long wanpela lek long ketsim bai em beta bilong Mazda i laik paitim. I luk olsem tupela wantaim i hollim bet ya. Lukim mo kain stall olsem long 1991/92 sofbal sisen em bai i kamap bihain long Saut Pasifik Gems.



BENSON and HEDGES

Fainal long tripela wik taim

GOROKA:

YAKAM KELO i raltim

TRIPLELA wik tasol i stap yet long Goroka Soka Asosiesen (GSA) i go insait long fainal raun bilong em.

Seketeri bilong GSA, John Wokenuwe i tok namba wan divisen wantaim wimens divisen tasol i no pinisim tripela gem bilong ol yet. Olsem na ol arapela divisen olsem primia, Anda 19 na Anda 16 bai i wet inap long tupela divisen ya i pinis, orait olgeta i ken go insait long fainal.

GSA i gat tupela raun tasol long sisen propa resis bilong em long dispela yia na i pinis nau.

Long nau yet ol primia tim husat i wok long go pas long ol arapela tim em Morobe Yunaitet, Rapatona, Murat na Guria. Ol 4-pela tim ya i wetim maina na mesa fainal.

Long las wiken, Guria i bungim Makis na autim tiket bilong em 8-1. Dispela i givim gutpela sans tru long Guria long stap insait long ol fainal. Foapela tim bai i kik insait long fainal.

Rapatona i no isi long NGI long las wiken. Em i kilim skin tru long dispela gem na autim tiket bilong NGI

7-3. Morobe Yunaitet i soim em i strong yet na autim Murat long strongpela gem tru. Murat em bikpela tim long Goroka we i gat nem long bipo. Olsem na Yunaitet i painim hat tru long daunim em olgeta. Long ful taim, Morobe Yunaitet i autim Murat 2-1.

Narapela gutpela gem tu i bin kamap namel long Elcom na Kalibobo.

Dispela gem i bin gutpela na strongpela. Tasol long pinis bilong gem, Kalibobo i soim strong bilong em long Elcom na i win 3-2.


Namba wan divisen resis i lukim Elcom i autim Morobe Yunaitet 4-1, Guria i autim Kalibobo 4-3, Yunitek autim Rapatona 6-3, Tarangau dro wantaim Murat 3-3 na NGI autim Makis 4-1.

Wimens; Morobe Yunaitet lusim pawa bilong Elcom 4-1, NGI autim Makis 1-0, Guria autim Kalibobo 5-0, Yunitek mekim save long Rapatona 5-2, Tarangau dro wantaim Murat 1-1.

Anda 19; PTC lusim waia bilong Kalibobo 1-0, Morobe Yunaitet nekim Yunitek 3-2, Rapatona i no givim sans long Guria na autim em 2-1, na Tarangau mekim save long Murat wantaim 4-1.



• Em bikpela salens bilong Koupa wantaim BFC long las wik Sande long Bisini soka graun. Tupela i kilim skin long mesa semi fainal resis bilong namba wan divisen. Koupa i strong tumas na autim tiket bilong BFC 2-1.



Gren fainal long Rabaul

VITIAZ soka klap i redi long pilaim soka gren fainal bilong Rabaul Soka Asosiesen long dispela wiken.

Presiden bilong Rabaul Soka Asosiesen (RSA), Albert Jalmein i tok Viti-az em wanpela strongpela tim bilong Rabaul. Viti-az i bin autim primiasip taitel long las yia na em i redi long holim bek dispela taitel bilong em.

Jalmein i tok Viti-az bai i wetim tasol wina bilong Paskol na Westpac. Tupela tim ya i bin laik pilai long las wiken. Tasol i no gat inap taim, olsem na ol opisal i stapim gem bilong tupela.

Em i tok bai ol eksekutiv bilong RSA i kibung long Trinde 14 Ogas, na traim long makim taim bilong tupela tim ya long pilai. Sapos no gat bai ol i putim tasol long Sarere na bihain wina bilong tupela bai i go long gren fainal egensim Viti-az long Sande.

Tupela tim ya i strongpela tim tru. Na bai i no inap long narapela i autim narapela isi. Jalmein i tok insait long sisen propa gem yet, tupela i bin dro long wanpela taim pinis. Tasol long narapela taim gen, Paskol i autim Westpac long 1-0. pinis wanpela skwat bilong Rabaul long pilai egensim nesanel tim bilong PNG. Dispela

gem bai i kamap long Lae long Fraide 24 Ogas long nes wik. Skwat bai i lusim Rabaul long Trinde 22 Ogas, na i go long Lae.

Hia em nem bilong ol pilai insait long skwat: Greg Isikiel, Kiapin

Michael, Malai Pomat, Bently Isikiel, Mato Leo, Mumang Apo, Anton Moris, Ambros Kalam, Patric Philip, Amuk Mavi, Michael Condition, Patric Sereke, Walter Philip, Charlie Alphonse, Melki Tovue.

Ol meri Bala nekim Westpac

LAE:

OL meri Bala long Lae i givim bikpela het pen stret long ol meri Westpac long Lae soka resis long las Sande.

Ol meri Bala i no isi long Westpac taim referi i blowim wisel long gem i stat. Ol i go insait na bomim stret banis bilong ol meri Westpac. Rose Zatura i skroim namba wan gol long 22 minit bilong namba wan hap. Em giamanim Westpac golie, Maria Richard na kikim bal i go long kona bilong umben.

Bala i go pas 1-0 long hap taim. Long namba tu hap, Bala i kirapim

paia long banis bilong ol meri beng gen, na mekim ol i sot win nambaut. Olsem na wanpela beklain pilan bilong ol, Wendy Sese i holim bal long penelti bokis stret.

Kepten bilong Bala, Daisei Tapal i save kik olsem ol man. Olsem na em i mekim umben i mekim nais gen.

Samting olsem tupela minit i stap yet, kepten Tapal i skoarim narapela gol gen, na skoa i goap long 3. Meri Tolai ya i kikim bal long 30 mita mak, na bal i go pas long goli na wel i go insait long umben. Skoa i stap olsem 3-0 inap ful taim.

Wewak United redi long gren fainal

NEM sempion klap bilong Wewak soka resis, Wewak United i redi nau long kik insait long gren fainal bilong primia divisen.

Ripot i tok gren fainal bai i kamap long narapela wiken. Na ol stail manki bilong Wewak United i gat bikpela bliip long winim dispela taitel.

Wewak United i winim pinis maina primiasip taitel. Na i redi nau long winim tu dispela mesa taitel.

Strongpela birua bilong Wewak

United long gren fainal em Sunam. Tasol Wewak United wantaim ol nem pilala olsem straika, Paul Kusunan, winga Rutty Itaar, midfilda Graham Kiapin, fulbek Alphonse Wangi na golkipa Max Motoku, Wewak United i gat bikpela sans long holim maina na mesa taitel bilong 1991 sisen propa resis.

Tasol bikpela samting em, ol manki Wewak United i noken daunim pawa bilong ol sol long Sunam. Bikos nogut ol Sunam i tanim tebol long ol.

Giving tingting hariap long stretim nesanel tim

PLANTI samting tru i wok long kamap insait long Mosbi na Lae nau long redi long pilai soka long Saut Pasifik Gems.

Bikpela ples bilong pilai long Lae i redi nau. Na nesanel tim bilong yumi tu bai go insait long las trening kem bilong ol stat long 19 Ogas.

Bikpela kwesten i stap nau olsem.... Papua Niugini i gat sans long winin gol medal o nogat? Dispela i stap insait long bel na tingting bilong wan wan manmeri skelim.

Husat manmeri i gat sampela tingting long givim John Peka na Sau Gure long helpim tupela long dispela las trening kem, em i mas ringim wanpela long tupela na givim hariap.

Bihain long las trening kem, em i taim bilong olgeta manmeri i wet long Lae na lukim... PNC

bai kik gut o nogut.

LAE SOKA

Long Lae, straik bilong ol referi i pasim ol pilai. Dispela em i orait long traime stretim ol hevi. Tasol long sait bilong ol pilaia husat i stap long nesanel sait, ol i no wok long kisim trening.

Mi bilip olsem, ol referi bai i stretim kwik hevi bilong ol wantaim LFA.

MOSBI SOKA

Mosbi soka i go insait long ol fainal long las wiken. Na long sait bilong ol pilaia i stap long nesanel skwa', ol i kik gut tru long wan wan tim bilong ol. I gat wan wan eria we John Peka yet i ken luksave na stretim. Dispela em long ol pilaia i no gat intanesenel eksperiens yet.

Na ol fainal bilong Mosbi, ating olgeta manmeri i wetim planti moa gutpela pilai. Las wikenm



ol pilai i bin gutpela. Tasol mi lukim olsem, planti manmeri i no kirap sanap na singaut planti taim tumas.

Em i stap nau long han bilong ol tim husat bai i kik long dispela wiken, na long ol arapela wiken bihain. Wan wan tim yet i ken lukim, sapos ol manmeri i sanap tasol na singaut singaut planti taim, ol i save olsem pilai bilong ol i top.

Sapos tupela tim i no mekim ol manmeri i sanap na singaut singatu, em nau, tupela tim i mas save na traime putim planti moa gutpela.

OL FAINAL LONG DISPELA WIKEN

Namba wan bikpela pilai bai kamap long ol meri. Guria bai skelim strong bilong ol meri Sobou. Wanem tim inap kik gut na bihainim stret toktok bilong kosa, em bai winim dispela gem.

Narapela strongpela kik bai i kamap long primai risev divisen. Dispela kik bai kamap namel long Golo na Westpac. Tupela tim wantaim i kik strong long las wik, na i go insait long ekstra taim. Olsem na em i hat long tokaut husat tru bai i win.

Na bikpela kik bai i kamap long primai divisen yet. Dispela bai kamap namel long Sobou na Yuni. Sobou i winim Rapatona long las wiken. Na Yuni i lus long GFC.

Rekot i soim olsem Sobou i wok long kik strong. Moa yet nau. Na strong bilong Yuni i wok long pundaun liklik. Dispela i no min olsem Yuni bai i kik nogut.

Tupela tim wantaim i mas kik strong na givim gutpela gem long ol manmeri husat i kam lukim.

Mi yet mi laikim wanem referi i lukautim dispela kik long givim hat taim long husat ol pilaia i kik nogut o tok bek long referi o lainsmen.

Lukim yupela long wiken.



• Gwendeline bilong Guria i soim stail bilong em long las Sande gem egensim Wanzesi long mesa semi fainal bilong ol meri. Wanzesi i strong tumas na rausim tiket bilong Guria long 1-0.



Wewak United autim Somare Sil

WEWAK United em i sempion nau bilong Somare Sil tonamen. Ol yangpela blut bilong Wewak i winim dispela taitel bihain long ol i autim strongpela Wewak Red tim 3-2 long gren fainal.

Gren fainal i bin kamap long Princes Charles Oval long las Sande. Na planti manmeri tru i bin kamap long lukim aninit long strongpela lukaut bilong ol plisman.

Wewak United i winim K1,000 prais mani wantaim Somare Sil.

Wewak United i bin go pas long skoa 5-pela minit i go insait long pilai wantaim gutpela gol bilong nem Wewak straiika, Paul Kusunan. Pilai i kamap strong long tupela sait wantaim. Na long namel bilong namba tu hap, wanpela beklain pilaia bilong Maprik Red i kikim Paul Kusunan. Wewak United i kikim dispela penelti, na i go pas moa long skoa 2-0. Dispela skoa i bin stap olsem inap hap taim.

Long namba tu hap bilong pilai em Maprik

United i stat long paia. Mekim na ol sapota bilong Maprik tu i wok long sapot strong. Maprik i wok long lukautim pilai na skoarim tupela "kwik" gol. Dispela i mekim tupela tim i dro 2-2.

Em nau. Pilai i wok long sruk i go i kam. Tasol Wewak United i sanapim strongpela banis stret long beklain wantaim go pas bilong golkipa, Max Motoku na fulbek Alphonse Wangi.

Ol fowat bilong Wewak United wantaim go pas winga Rutty Itaar, straiika Paul Kusunan na midfilda Graham Kiapin i pilai strong stret. Sem taim ol beklain pilaia bilong Maprik Red i sanapim strongpela banis tu.

Tasol golkipa bilong Maprik Red i no holim gut wanpela bal na i go insait long umben. Dispela i helpim Wewak United long skoarim namba tri gol.

Klostu long pinis bilong pilai, winga Rutty Itaar i go daun lukautim beklain na Alphonse Wangi i go antap long fran lain. Tasol skoa i no senis inap ful taim.

Long namba tu hap, Maprik Red i bin skoarim wanpela op sait gol. Dispela gol i kirapim pait liklik we ol sapota long sait lain i paitim referi George Baskam.

Long dispela as Maprik Red i no kisim yet K500 prais mani bilong em. Ripot i tok Judiseri Komiti bai i skelim pastaim asua em referi i kisim.

Sapos Maprik Red i mekim trabe, ating ol bai i no inap kisim dispela K500 prais mani.



• Kas bilong Koupa i autim bal long pilaia bilong BFC long mesa semi fainal bilong namba wan divisen resis. Koupa winim BFC long 2-1.

Nesenel tim bai bung long 18 Ogas

NESENEL soka tim bilong PNG bai i holim namba tri trening kem bilong em long 18 Ogas, 1991 long Ramu Suga na Lae.

Presiden bilong Papua Niugini Futbal Asosiesen (PNGFA), Peter Mommers i tok ol samting i redi pinis long kisim ol pilaia i kam long Lae long kem bilong ol. Ol bai i stap tupela wik long Ramu Suga, na go insait long trening bilong ol.

Wanpela wik trening bai i kamap long Lae yet. Na wetim taim tasol long go insait long Saut Pasifik Gem long mun Septemba.

Ol pilaia long skwat husat i stap long ol hap bilong Hailans rijon na Madang provins bai i kisim PMV i go long Lae. Ol i stap long Mosbi, na arapela, bai kisim balus i go long Lae.

Mommers i tok PNGFA yet bai i lukautim dispela namba tri trening kem bilong nesenel tim.

Wok i stap long han bilong nesenel kosa, John Peka na tim menesa

Peter Seske. Dispela em long askim amamas mani tupela i mas kisim long yusim long dispela kem.

Bai i gat wanpela trening gem i kamap long dispela taim. Mommers i tok wanpela skwat bilong Rabaul bai i kam pilaim wanpela soka gem egensim nesenel tim long Lae.

Dispela gem bai i kamap 24 Ogas. Bikos dispela em i las wik bilong trening kem.


Nau yet Mommers i wok long traim long toktok wantaim Rabaul Soka Asosiesen (RSA) long stretim ol dispela samting.

Mommers i tok RSA i tok em yet bai i stretim olgeta samting long salim skwat bilong em i go long Lae. Long Rabaul, presiden bilong RSA, Albert Jalmein i tok skwat bilong Rabaul i redi pinis na wet i stap. Tasol nau yet ol i wok long mekim ol arapela liklik wok long pulim mani bilong salim skwat ya i go long Lae.

Wantok i traim long kisim John Peka. Tasol em i no stap.



• Golkipa bilong Wanzesi i sevim dispela bal long straika bilong Guria Jessica Iles long las wik Sande long wimens mesa semi fainal long Mosbi. Wanzesi i winim Guria, 1-0.



PNGFA lusim tupela bikman

PAPUA Niugini Futbal Asosiesen (PNGFA) i lusim pinis vais presiden na tresera bilong em long las wik, Fonde 8 Ogas, 1991.

Presiden bilong PNGFA, Peter Mommers i tok em i lusim PNGFA vais presiden, Michael Vee bikos em i no kam toktok wantaim em. Mommers i traim long ringim Vee tupela taim, tasol em i no bekim Mommers. Mommers i go long haus na sekim em tasol em i no stap.

Mommers i kam long dispela kibung na tu long bungim Michael Vee na toktok na kisim em bek. Tasol Vee i no toktok wantaim em o redi long lukim em. Olsem na Mommers i kamap wantaim tingting tasol long lusim Vee.

Long las wik tasol, ol eksekutiv bilong PNGFA i makim nupela man long kisim wok bilong Michael Vee olsem tonamen dairekta. Nupela man ya em Dokta Kuan Malai bilong Lae. Em bai wok long stretim ol pepa wok bilong soka na redim pas-taim long taim.

Mommers i tok sia bilong vais presiden i stap yet. Na em bai i salim pas i go long olgeta senta i bin afiliat pinis long PNGFA long votim nupela man. Nupela vais presiden bai wok olsem interim tasol inap long Februari 1992.

Tresera bilong PNGFA, Ben Manoi tu i bin kisim opisal tok orait long pinis long PNGFA.

Madang redi long makim Momase tim

MADANG Soka Asosiesen (MSA) bai i stat long makim skwat bilong em long kik insait long Momase Rijonal tonamen long neks wik. Dispela bikpela kik bai i kamap long Oktoba long Wewak taun.

Presiden bilong Madang Soka, Peter Angasa i tok em wantaim ol eksekutiv bilong MSA bai i kibung long dispela wik, long stretim ol samting bilong neks wik.

I luk olsem Madang Kantri tim bai i redim wanpela tim tu bilong go kik long tonamen. Angasa i tok Madang Kantri i save holim tonamen bilong em yet long mun Oktoba.

Provinsal Spot Opis long Madang i save lukautim dispela kantri tonamen. Olsem na ol i mas stretim gut progrem bilong ol long abrusim hevi wantaim rijonal tonamen.

Kik resis bilong Madang soka i stap yet. Long wanem, kik bilong ol arapela divisen i stap, na primia divisen i pinisim olgeta raun bilong em long pinis.

Angasa i tok ol Anda 19 divisen tim i pinisim gem bilong ol. Tasol i gat sampela was aut gem i stap yet. Na wankain samting i kamap long ol arapela divisen tu.

MSA bai i go insait long fainal taim ol divisen ya i pinisim ol wasaut gem. Na ol arapela sisen propa gems bilong ol.

Enga Soka Asosiesen Poin Tebol 17/8/91

Sarere Ogas 17, 1991

Taim	Div	Fil	Pilai
12:30pm	Wom	G1	T.N. Club v Yab East
12:30pm	Wom	G2	Amagani v. V. Papi

Sinia Man

2:00pm	Sinia	G1	Moku v Elcom
2:00pm	Sinia	G2	Teachcom v V.T. N Club
4:30pm	Sinia	G1 (replay)	Tarakum v Buresong



Sunde Ogas 18, 1991

12:30pm	Wom	G1	Tarakum v Teachcom
12:30pm	Wom	G2	Yunaitet v Kumuls
2:00pm	Wom	G1	Moku vs Buresong

Sinia

2:00pm	Sinia	G2	Amagani v Tarakum
4:30pm	Sinia	G1	Enga Royals v yunaitet G1
4:30pm	Sinia	G2	Enga Blues v Buresong (G2)





Sobou bai pretim Yunivesiti

YAKAM KELO I raitim

SEMI fainal bilong Mosbi soka long prima divisen reisis bai stap namel long Yunivesiti na Sobou long dispela wiken long Sande 18 Ogas, 1991.

Sobou bai pilai hat nau long daunim Yunivesiti. Bikos Yunivesiti em strongpela tim wantaim eksperiens long kain bikpela fainal. Sobou bai traime long kamap wantaim sampela gutpela tingting nau. Bikos Yunivesiti i gat sampela hevi i kamap pinis. Na dispela bai givim sans long Sobou.

Sobou i gat strongpela na gutpela fowat

lain bilong em. Na dispela bai kamapim bikpela birua long beklain bilong Yunivesiti. Sapos Danny Mota wantaim Vincent i toktok gut long fran lain, bai i gat gutpela sans tru long kamapim ol gol long mak bilong Yunivesiti. Danny Mota i gat spit na pawa long straik. Olsem na em bai yusim gut dispela save bilong em. Vincent i longpela man, na i save pait olgeta taim wantaim ol beklain pilaia bilong birua tim. Em i man bilong brukim ol strongpela banis. Na

tu em i ken daunim ol antap bal i go stret long maus bilong umben.

Narapela man tu em Francis Moyep. Em bai ran long wing. Na sampela taim bai i kam insait long straik. Em i gat planti gutpela trik na stail long givim het pen long Yunivesiti sapos ol i no lukaut gut.

Sobou i winim pinis sapot bilong planti manmeri. Na em bai i gat moa sapot bilong em long dispela wiken egensim Yunivesiti.

Yunivesiti i gat bikpela hevi nau long ol pilaia bilong em. Sampela gutpela pilaia bilong em i kisim bagarap pinis long gem wantaim Westpac. Na i wok long traime stretim ol bagarap ya i stap.

Ol pilaia ya em Joe Turia olsem pilaia kosa bilong ol, Steven Mune, husat bai pilai straik bilong ol, Polongoch Kepiniu, husat bai pilai long beklain na Kawatan Pombaia, teksi man husat i save ran long wing.

Golkipa bilong ol, Nephtelai tu i gat bagarap. Gary Bundu bilong Yunivesiti tu i bin brukim bun bilong em. Planti pilaia i kisim bagarap nau long Yunivesiti.

Pilaia kosa, Joe Turia i tok ol i gat dispela hevi i stap. Tasol ol bai traime long kisim sampela pilaia long risev gret i kam insait. Tasol planti pilaia bilong ol long risev gret tu i no i stap moa. Bikos Yunivesiti skul i stap pinis, na olgeta i go nambaut long ples bilong ol. Tasol ol bai traime long kisim sampela yet i kam long pulapim ol spes i stap nating ya.

Joe i tok ol i tingting long holim bek primiasip taitel bilong ol long las ya. Tasol olgeta samting i stap long gem yet long tokaut husat tru bai kisim dispela taitel long 1991.

Olsem na Yunivesiti bai traime tasol gen na lukim long dispela wiken.

Long las wiken gem wantaim GFC, Yunivesiti i gat hevi long fran lain bikos ol i no pinisim gut bal. Planti gutpela sans ol fran lain i kisim i no go stret long mak bilong GFC. Long midfil, ol i wok gut long skelim bal na stapim ol birua. Beklain tu i mekim gutpela wok long stapim birua long kam insait. Ol i stapim planti sans bilong GFC i bin laik kamap long brukim banis bilong ol.

Olsem na long dispela Fraide, bai Yunivesiti i sindaun na tokot long dispela hevi na tokaut long ol pilaia husat bai kisim fil long Sande.



INSAIT

- Fainal nau long Rabaul p21
- Goroka/Fainal long tripela wik taim p21
- Wewak United autim Somare Sil p22



KIKBEK WANTAIM PISE - PES 22

- Nesenel tim bung gen long las kem p23

• Jassica Iles bilong Guria Wumens Divisen i slekim pawa long bal tasol abrus na Wanzesi i winim ol long i poin na ol 0 long meja semi fainals long las wik

MOSBI SOKA ASOSIESEN

Mesa na Maina Semi Fainal Anda 19 na Seken Divisen Sarere 17 Ogas, 1991.

Taim	Divisen	Graun	Pilai	vs	Score
1.00	U19	B1	Blue Kumuls	vs	3 vs 4
3.00	U19	B1	Rapatona	vs	Mobil Sobou 1 vs 2
1.00	2nd	B2	Amazon Bay	vs	Losegu 3 vs 4
3.00	2nd	B2	Wanzesi	vs	Korion 1 vs 2

Sande 18 Ogas, 1991. Prilimineri Fainal

Taim	Divisen	Graun	Pilai	vs	Score
11.00	2nd	B1	Loser of 1&2	vs	Winner of 3&4
1.00	U/19	B1	Loser of 1&2	vs	Winner of 3&4 3.00
3.00	Res	B1	Golo	vs	Westpac
11.00	Wom	B2	Guria	vs	Mobil Sobou
1.00	1st	B2	B.F.C.	vs	Air Niugini
3.00	Prem	B2	University	vs	Mobil Sobou

Lae soka i orait long baim ol referi

LAE Futbol Asosiesen (LFA) i orait pinis long baim kompensesen mani i go long ol referi husat i bin kisim bagarap long pait taim ol i lukautim pilai.

Seketeri bilong LFA, Philip Awak i tok LFA i kisim pinis leta bilong Lae Soka Referi Asosiesen (LSRA) long askim bilong kompensesen mani. Ol i bin kibung long las wik Mande na orait long dispela.

Las yia LFA i bin baim K100 kompensesen mani i go long wanpela referi husat i bin kisim bagarap long ol pilaia na sapota bilong Jaura soka klap. Olsem na LFA bai i baim K100 yet sapos referi asosiesen i no inap makim mak bilong mani ol i laikim. Bikos insait long leta bilong LSRA, ol i no bin makim namba bilong mani em ol i laikim bai LFA i baim ol referi husat i kisim bagarap.

Seketeri bilong LSRA, Valentine Pandi i tok ol i no inap makim mak bilong mani. Na i lusim olgeta samting i stap long han bilong LFA long makim, na baim tasol.

LFA i orait tu long ol arapela samting em referi asosiesen i putim insait long leta na salim i go long em. Na olgeta referi i yesa long tok orait bilong LFA. Na i redi long lukautim gen ol gem long LFA graun.

Ol sapota na pilaia bilong Jaura wantaim Mopi soka klap i bin paitim wanpela referi. Olsem na ol referi i bin straik long tripela wik olgeta, na nogat wanpela gem i bin kamap.

Olgeta referi i kamap gen long pilai graun long las wiken, na stat long lukautim pilai.

Planti sapota i no kisim toksave olsem ol pilai bai i kamap gen. Olsem na planti i no inap kamap long las wiken. I gat bilip olsem LFA graun bai i pulap stret long dispela wiken.

Bikos ol las gem bai i kamap, na LFA wetim Saut Pasifik Gems long pinis pastaim. Philip i tok ol i stapim referi hariap bikos Gems Faundesen bai i stretim LFA graun bilong trening.

Nau yet i gat planti ren long Lae. Olsem na Gems Faundesen bai i tingting long sevim soka graun long stadium, na yusim LFA graun long trenim nesenel skwat.


FA i gat 7-pela moa gem bilong sisen propa resis i stap yet. Olsem na em bai i wetim 4-pela moa wiken long pilaim ol dispela gem.

Philip i tok bai i nogat bikpela hevi tumas long dispela. Bikos taim Saut Pasifik Gems i pinis long 21 Septemba, sampela primia tim bai i go pilai long soka graun bilong stadium. Na dispela bai i helpim LFA long pinisim gut gem bilong em long pinis bilong mun Oktoba, 1991.

B&H

BENSON and HEDGES

B&H



RUGBY

Namba 26

Fonde Ogas 15, 1991

NIUS

INSAIT

MOA INTA SITI
POTO
pes 2 - pes 8

- Morobe
Kantri Lig i no
wan bel p2
- Mosbi junia
lata p2
- Kiunga Lig
lata p2
- WAGAMBIE'S
WHIP - PES 3
- Tarakum
bosim Madang
lata p3
- Wewak/Royals
bungim ol woda
nau p3
- Mosbi/Difens
gat pawa long
winim bek
taitel p4
- Vipers winim
prais mani ... p7
- Brothers
wetim gren
fainal long Wau
Bulolo p7
- Tigers laik
nekim Difens
long Lae p8

FAINAL NAU LONG MOSBI

Difens bai i nekim gen Wes long bungim maina primia tim, Tarangau

LEO WAFIWA i raitim

FAINAL bilong Mosbi Winfield Lig bai i stat long dispela wiken. Ol tim husat i winim pinis sans long pilai insait long fainal em

malna primia tim, Tarangau, Wes, Difens na Brothers.

Paga Panthers na Kone Tigers i bin pilai long Trinde 14 Ogas, 1991. Na wina bilong tupela bai i winim namba 5 ples long pilai insait long fainal. Tarangau bai i stap

long bye long dispela wiken.

Namba wan gem bilong Sande 18 Ogas bai mipela i lukim Wes i bungim Difens. Na Brothers i pilaim wina bilong Paga Panthers na Kone Tigers long bikpela gem.

Olgeta gem bai i strong tru. Bikpela salens bai i kamap namel long ol soldia na Wes.

Difens aninit long lukaut bilong kosa Geoff Vincin i bin oait strong tru na winim sans long pilai insait long fainal. Dispela wiken ol manki bilong

Geoff Vincin i no inap isi long Wes.

Ol pilaia husat bai i lukautim fran lain em Kera Ngaffkin, Johannes Kola, Simon Patimos, Kes Paglipari na huka Alex Togola. Long beklain em ol pilaia olsem faiv et Mathias Kitimon, hap bek Lukas Aki na winga Jack Uradok bai i lukautim.

Difens i kisim bek sevis bilong ol pilaia nau olsem Kera Ngaffkin, Johannes Kola, Kes Paglipari na Jack Uradok. Ol i bin pilai wantaim

Mosbi Inta siti tim, Vipers.

Las gem bilong inta siti i pinis long las wiken we Mosbi i winim Hagen Eagles long teknikel graun, bihain long tupela i bin dro 18-18 long ekstra taim.

Fowat lain bilong Wes em Tati Ivara, Gideon Kouoru, Wan, huka Danny Moi na kosa pilaia Roy Heni bai i lukautim. Long beklain em ol stail smok balus pilaia olsem Obert Batia, Joshua Kouoru, na Pai Mafu bai i lukautim.

Ol beklain pilaia i bin helpim Wes long winim ol gem i kam inap nau. Olsem na ol soldia boi i mas sambai gut long dispela.

Dispela bai i wanpela gutpela strongpela gem bilong lukim. I tru olsem Difens i gat ol bikpela gutpela strongpela fowat moa long Wes. Difens i gat nem pinis long nekim Wes long bikpela skoa long tripela wik samting i go pinis. Dispela em bihain long Wes i bin go pas long skoa long namba wan hap.

Tasol long namba tu hap, ol soldia i lukautim pilai na i bagaramim strewt sindaun bilong Wes. Olsem na Wes i mas tingting gut logn dispela.

Wina bilong dispela gem bai i bungim maina primia tim, Tarangau long neks wiken. Dispela em long lukim husat bai i go wetim gren fainal.

Lusa bilong Wes na Difens gem bai i bungim wina bilong Brothers wantaim wanpela bilong Kone Tigers o Paga Panthers.



• Philip Boge bilong Mosbi Vipers i take-lim pilaia bilong Eagles. Tupela tim i dro 18-18 bihain long ekstra taim, tasol Vipers i win bikos em i skoarim moa trai.

Winfield League '91

Morobe Kantri Lig i no wan bel long Gavin Ross

OL eksekutiv bilong Morobe Kantri Lig i no wan bel long toktok em eksekutiv seketeri bilong Lae Winfield Lig, Gavin Ross i bin mekim long ol na Rabaul Lig.

Ross i bin tokaut long Tunde 6 Ogas, 1991 olsem Morobe Kantri Lig na Rabaul Lig i brukim pinis lo bilong nesenel ragbi lig bodi, Papua Niugini Ragbi Futbol Lig (PNGRFL) long putim hap bilong ol tim husat i stap insait long resis i go insait long pilai fainal.

Tasol presiden bilong Morobe Kantri Lig, Kuma Manoba i tokaut olsem Ross i no inap toktok long aidia bilong ol arapela lig. Ross i gat lig bilong em yet. Na em i mas lukluk long ol asua i stap long lig bilong em yet pastaim orait em i ken toktok long

ol arapela lig. Manoba i tok ol eksekutiv bilong PNGRFL i ken toktok long wanem samting ol arapela asosiesen i mekim rong long en.

Na i no gutpela long wanpela presiden o seketeri bilong ol arapela lig i tokim ol arapela eksekutiv olsem aidia ol i wokim i no gutpela.

Nau yet ol eksekutiv bilong Morobe Kantri Lig i no wan bel tru long toktok Ross i bin wokim long ol.

Presiden Manoba i tok Ross i mas toktok long wari na rong bilong Lae Winfield Lig. Na em i no ken pusim het i go insait na toktok long hevi o rong bilong ol arapela lig.

Ol referi i mas lukautim gut ol fainal nau long Mosbi

Dia Edl'a, Fainal t long Mosbi Winfield Lig resis i stat na u. Ol tim husat i winim pinis sans long pilai insait long ren fainal em Tarangau, Wes, Difens na Brothers.

Paga Panthers na Kone Tigers bai i bung long Trinde 14 Ogas, 1991. Na wina bilong tupela bai i winim namba 5 posisen insait long fainal top 5 tim.

Mi laik askim Mosbi Winfield Lig long lukluk gut na makim ol stretpela utpela referi long lukautim ol gem. Dispela em i bikpela bikpela tru long nau yet.

Mipela i kama long fainal nau na

planti sapota bai i bel hat sapos tim bilong ol i lus. Olsem na liklik asua bilong referi i ken kamapim wanpela bikpela paif long bagarapim ol pilai.

Yupela ol referi i mas save tu long dispela. Mipela save olsem olgeta ma long graun i save mekim asua. Tasol traim long mekim gutpela liklik wok bilong yupela long lukautim ol pilai.

Mi laik salim bikpela tok amamas bilong mi i go long Souths long kamapim nem long dispela sisen.

Souths sapota BOROKO



WINIM TIKET LONG KAM LONG 1991 SP GEMS

I gat 50 tiket long winim

Hariap long salim nem na adres bilong yu. Na kolim nem bilong dispela pilai yu laikim tumas

HARIAP SALIM I KAM LONG SP GEMS RESIS WANTOK NIUSPEPA BOX 1982, BOROKO

No ken salim poto kopi – sapos yu salim plenti bai yu gat bikpela sens long winim



PILAI MI LAIKIM.....
 NEM BILONG MI.....
 ADRES.....
 TELIPON.....

Salim resis pepa bilong yu kam long

WANTOK
NIUSPEPA BILONG PAPA NIUGINI STRET

COMPETITION - PO. BOX 1982, BOROKO, NCD

LAS DE BILONG SALIM OL RESIS EM LONG 30 OGAS, 1991.

MOSBI JUNIA LIG

SARERE 17 OGAS, 1991

WINFIL LIG

MAINA SEMI FAINAL

Lloyd Robson Oval

Taim	Divisen	Pilai	vs	Pilai
10.00	U17	Paga	vs	Air Niugini
11.00	U17	Souths	vs	Tarangau
12.30	U19	Brothers	vs	Hawks
2.00	U19	DCA	vs	Paga
3.30	U21	Brothers	vs	Paga

SANDE 18 OGAS, 1991

Lloyd Robson Oval

9.30	U21	Hawks	vs	Air Niugini
11.00	Res	Westes	vs	Defence
12.30	Res	Tarangau	vs	Brothers
2.00	A Gr	Defence	vs	Westes
3.30	A Gr	Brothers	vs	Kone vs Paga (Winner)

Trinde: Lloyd Robson Oval (14/8/91)

5.00 5th pl. A Gr Kone vs Paga

SEMPIONSIP POIN TEBOL

TEAM	P	W	D	L	F	A	CH.PTS
Tarangau	24	17	2	5	669	424	36
Westes	24	17	0	7	780	547	34
Defence	24	15	3	6	755	445	33
Brothers	24	15	1	8	616	519	31
Paga	24	14	1	9	633	598	29
Kone	24	14	1	9	578	601	29
DCA	24	13	2	9	581	572	28
Souths	24	11	1	12	478	503	22
Air Niugini	24	8	2	14	589	591	18
Royals	24	8	1	15	510	687	17
Magani	24	7	1	16	465	716	15
Hawks	24	5	-	19	510	710	10
Waliya	24	4	1	19	476	727	9

RISEV POIN TEBOL

Kone	18	13	2	3	369	266	28
Westes	18	11	3	4	376	227	25
Defence	18	11	3	4	446	318	25
Tarangau	18	11	1	6	350	261	23
Brothers	18	11	1	6	349	295	23
Magani	18	11	1	6	331	290	23
DCA	18	10	2	6	312	289	22
Paga	18	10	-	8	344	384	20
Hawks	18	8	1	9	333	307	17
Air Niugini	18	7	1	10	334	370	15
Souths	18	4	2	12	253	359	10
Waliya	18	2	1	15	311	380	5
Royals	18	1	-	17	250	474	2

U/21 POIN TEBOL

Westes	18	12	-	4	284	141	24
Brothers	18	11	2	5	193	115	24
Paga	18	11	2	5	199	172	24
Air Niugini	18	11	1	5	238	175	23
Hawks	18	9	2	7	225	224	20
Waliya	18	8	3	7	228	207	18
Tarangau	18	9	1	8	233	219	19
Defence	18	8	1	9	213	140	18
DCA	18	8	2	8	194	250	18
Magani	18	7	1	9	184	190	15
Souths	18	5	3	11	161	215	12
Kone	18	4	2	12	130	202	10
Royals	18	-	3	15	152	396	3

U/19 POIN TEBOL

Tarangau	18	15	1	2	220	117	31
Hawks	18	13	-	5	156	88	26
Brothers	18	12	-	6	213	130	24
Paga	18	11	2	5	191	157	24
DCA	18	10	-	8	204	201	20
Souths	18	9	2	7	151	64	20
Kone	18	8	3	7	162	144	19
Air Niugini	18	8	2	8	194	144	18
Defence	18	8	-	10	144	157	16
Magani	18	7	-	10	145	164	14
Westes	18	5	2	10	133	160	12
Royals	18	2	1	15	108	297	5
Waliya	18	1	1	16	106	204	3

KIUNGA RAGBI LIG

A GRET POIN LATA BILONG 1991

Tarakum	35
Brothers	21
United	20
Souths	19
Magani	13
Ambangs	12

WAGAMBIE'S

WHIP



Makim gut referi na lainsmen

GREN fainal bilong SP Intasiti ragbi lig resis namel long Mosbi Vipers na Hagen Eagles i bin gutpela tru. Long wanem ol skoa i kamap klostu tru na tupela tim wantaim i soim strongpela pilai. Dispela i no olsem las yia taim gem i bin wansait liklik.

Tasol i bin gat planti asua taim referi Tom Pelis i givim ol kain kain penalti. Em i no lukluk long wanem samting mipela i kolim "advantage" pilai.

Long dispela mi min olsem sapos wanpela pilaia i ron wantaim bal inap long 10 mita pinis na inap winim narapela 10 mita, em inap putim trai. Tasol bilong wanem bai referi i stapim pilai na givim penalti bikos wanpela birua pilaia i opsait? Tom i lukautim dispela gem olsem wanpela pilai nating. Em i bin kamap long fil 10-pela minit tasol pastaim long gem i stat. Taim tok save bilong statim pilai i kamap, em i no redi yet olsem na ol i givim namba tu tok save.

Wanpela trai bilong Eagles tu i no bihainim stret lo bilong pilai. Nokon i bin kamap namel stret long fil tasol referi i larim Joe Paraka long ron wantaim bal inap long 40 mita bihain ol i takolim em. Tasol em i pilaim bal hariap na Eagles i putim trai.

Tasol maski long ol dispela, Hagen Eagles i soim stret kain stail bilong ragbi lig gren fainal pilai. Ol sapota husat i kamap long pilai i no bin tromoi nating mani olsem na bikpela tok amamas i mas go long ol. Eagles i bin sanapim strongpela banis na lukautim beklain bilong ol gut tru. Wanpela man husat i kamapim bikpela birua tru long beklain em insait senta pilaia Chris Itam. Long fowat, Kumul vais kepten Max Tiri i kamapim planti het pen taim em i holim bal.

Intasiti komiti i mas lukluk nau long helpim na kamapim nem bilong ol yangpela referi olsem Alphonse Pu bilong Hagen. Alphonse i bin lukautim planti Intasiti gem long dispela yia. Dispela kain samting bai helpim planti yangpela referi long go het na helpim ragbi lig long kantri long kamap bikpela.

Wanpela man i bin sindaun long grensten, tingting bilong em i pas o ating em i amamas long lukim dispela pilai. Dispela man em olupela 5/8 pilaia bilong Niugini sait Billy Noi (sinia). Em i bin kamap long lukim pikinini bilong em, 5/8 Billy Noi (junia) i pilai long tim bilong Eagles. Papa na mama bilong Noi sinia i bilong Hanuabada long Mosbi. Tasol em i bin stap long Lae na winim planti yia long hap. Na long taim Papua na Niugini i laik salens long ragbi lig, em i winim wanpela grin na gol yunifom bilong Niugini long pilai wantaim ol wantok bilong em long Papua. Na sampela pilaia bilong Papua tim i bilong Hanuabada yet. Sampela bilong ol dispela man em Guba John, Lohia Daroa na Rei Simoi husat i bin stailim long fulbek long dispela taim. Na i luk olsem Noi junia i wok long bihainim nau lek bilong papa na em i statim dispela long narapela kona bilong kantri.

Long Mosbi na planti arapela senta, ol fainal i stat pinis na mi laikim ol gutpela lainsman i mas kamap bilong helpim referi long lukautim ol pilai. Long wanem mi yet i bin lukim planti referi long Mosbi i no kia long wanem samting bilong mekim long las tripela gem bilong Tarangau. Dispela kain pasin i mekim na Tarangau i lus long tupela gem bilong em long wanem referi i no tokaut long trai o i givim i go long ol birua. Referi i no bin tokaut long trai bikos ol pilaia i banisim ai bilong em o em i sanap longwe tumas bilong tokaut sapos trai i kamap o no gat. Wanpela gutpela piksa bilong dispela i bin kamap las wik taim ol birua i banisim wanpela pilaia bilong Souths long putim bal long trailain. Referi Jerry Martin i kam sanap wet liklik na bihain tokaut olsem dispela em i trai. Dispela askim i mas gat bekim nau: Inap long wanem taim tru bai ol birua i ken holim pilaia i stap antap na referi i tokaut long trai? Long lukluk bilong mi, pilaia husat i abrusim pinis trailain i mas putim bal i go daun tasim graun long kisim poin. Sapos em i no mekim olsem na ol birua i holim em i stap antap, orait referi bai tokaut long skram.

TARAKUM BOSIM LATA

MADANG:

TUPELA narapela kain stori i bin kamap long A gret resis bilong Madang Winfield Lig long las wiken.

Panthers i bagarapim sindaun bilong strongpela Brothers tim 32-28, na Air Niugini i bekim Tigers 18-12. Air Niugini i soim ol sapota nau olsem em i stap insait yet long resis bilong fainal.

Long narapela A gret gem em Hawks i no kamap long pilai. Olsem na Tarakum i fofitim em.

I nogat bikpela senis long poin lata bihain long ol gem bilong las wiken. Hawks i no bin lusim tupela gem long fofit nau. Em i ken tanim tebol long sampela tim. Na mekim senis long lata. Tasol em i no laik kamap long pilai.

Tarakum i go pas nau long poin lata wantaim 20 poin. Bihain long Tarakum em Brothers wantaim 20 poin tu. Brothers i ran bihain long namba tu ples bikos em i

nogat gutpela pesen.

Panthers i ran long namba tri ples wantaim 19 poin. Bihain long Panthers em Tigers wantaim 18 poin. Air Niugini i sindaun long namba 5 ples wantaim 17 poin. Na i gat sans yet long go insait long fainal.

Long bikpela gem bilong Sande 18 Ogas, Tigers bai i bungim Tarakum. Namba wan A gret gem bilong Sande bai yu lukim Brothers bungim Air Niugini. Na Hawks bai i bungim Panthers long Sarere 17 Ogas.

Tigers bai i strong long Alouis King. Alouis em i wanpela pilaia husat i pilaim gutpela gem nau. Na tu em i wanpela gutpela strongpela fowat pilaia.

Kepten na hap bek Nimex Tuna bai i lukautim pilai raunim skram. Tigers i pilaim gutpela gem egensim Air Niugini, tasol em i lus. Planti sapota i tok referi i no lukau-

tim gut dispela gem. Olsem na Tigers i lus.

Joe Kambian bai i pilai yet long fowat lain. I gat bilip olsem em bai i mekim sampela strongpela ran. Na helpim Tigers long rausim nem nogut bilong las wiken.

Long tupela wik i go pinis, bikpela prop ya i bin ran long sait lain. Em i skoarim 4-pela trai long tupela wik i go pinis, na wanpela long las Sande.

Narapela tupela pilaia em Tigers bai i strong long winim dispela gem em hukua Michael Kela, na namba wan fulbek Joe Bunbun. Gutpela pilai bilong Bunbun long takel, na brukim banis taim em i kisim bal i putim em i go insait pinis long Madang tim bilong noten son trails.

Sta faiv et pilaia, Rex Apuka bai i go pas long Tarakum. Ol selekta i daunim em liklik na kisim Elison Ketavo bilong Brothers olsem faiv et bilong Madang tim.

Long Sande Apuka bai i soim em i namba wan fait et pilaia long Madang. Em bai i givim bikpela het pen stret long Young Garong bilong Tigers.

Apuka bai kisim sapot bilong hap bek Himson Kiyala na tupela namba wan senta pilaia, John Goiye na Dick Ketapa. Tupela senta wantaim i stap insait long Madang tim.

Joe Namba, Ambros Gitai, Lune Bratas na Eric Maname em ol nem pilaia bilong Tarakum long brukim bun bilong ol pilaia. Ol bai putim was long ol fowat pilaia bilong Tigers. Na Apuka bai i lukautim pilai long beklain.

Long ol arapela a gret gem bilong wiken, Brothers bai i nekim Air Niugini.

Brothers i gat ol hevi fowat pilaia olsem Nokondi "Gibbs" Afuti, Peter Watanga, Joe Kunai, Wingti Kelgra Tepi na Elison Pil.



• Winga bilong Mosbi Vipers, Joshua Kouoru (lephan) na ausait senta bilong Hagen Eagles i resis long kisim bal long gren fainal bilong Inta siti resis long las wiken. Tupela i dro 18-18, tasol Vipers i win bikos em i skoarim planti trai.

Royals bungim Tarangau

WEWAK:

ROYALS bai i traim bun bilong Tarangau long bikpela A gret gem bilong Wewak Ragbi Lig long dispela wiken. Dispela bikpela gutpela gem bai i kamap long Sande 18 Ogas long Pora Oval.

Las wik Royals i kisim tupela isi poin egensim Kantri long fofit. Ol pilaia bilong Kantri i no kamap long fil long pilai. Planti sapota i bin laik lukim dispela gem. Tasol ol i abrus.

Tarangau i bin bagarapim sindaun bilong Works 22-12 long bikpela A gret gem bilong las wik.

Seketeri bilong Wewak Ragbi Lig, Aga Vele i tokim *RLN* olsem dispela em i las raun bilong sisen propa resis. Na i gat tupela gem i stap yet pastaim long nok aut gem wantaim maina na mesa semi fainal.

Maina semi fainal bai i kamap long 7 na 8 Septemba, 1991 na na mesa semi fainal bai i kamap long 14 na 15 Septemba, 1991.

Vele i tok olsem 4-pela A gret tim i putim kamap gutpela na strongpela

gem nau. Na dispela Sande, ol sapota bai i lukim wanpela gutpela gem namel long Tarangau na Royals.

Royals i bin bagarapim sindaun bilong Works 32-13. Na las wik em i kisim nating tupela poin bikos ol pilaia bilong Kantri i no kamap long pilai.

Royals em i wanpela top tim nau long Wewak. Planti sapota gat bikpela bilip olsem Royals bai i winim 1991 primiasip taitel. Dispela wiken Royals bai i lukluk long ol pilaia olsem winga Julius Taliu, fran rowa Nelson Nilkare, hap bek Anton Waiye na Peter Tupaia long stapim Tarangau.

Na tu moa strong bai i kamap long mak bilong Royals sapos John Paige na kepten Sam Akike i bungim pilai wantaim ol arapela yangpela pilaia long fowat lain. Tupela i mas kisim helpim tu long ol beklain pilaia olsem hap bek Waiye na Paul Unapa.

Sauten son painim sponsa yet

SAUTEN Son i gat bikpela hevi long mani long stap insait long Nesenel son trails. Dispela bikpela nesenel resis bai i kamap long Hagen stat long Mande 16 Septemba, 1991. Dispela em long independens wiken.

Presiden bilong Sauten Son, Mans Kei i tokaut long dispela hevi taim em i tokaut long nupela de bilong holim Sauten son trails. De bilong holim dispela resis em long Tunde 3 Septemba, 1991 tasol ol eksekutiv i skruim i go long Tunde 10 Septemba, 1991.

Kei i askim olgeta lig insait long Noten son long putim kamap trails bilong ol long dispela Ogas yet. Na makim ol pilai long bikpela Sauten son trails, em bai i kamap long Mosbi siti.

Nau yet Kei i askim olgeta presiden bilong Kiunga, Daru, Alotau na Popondetta Lig long putim kamap trails bilong ol yet insait long dispela Ogas.

Na tu tokaut long hevi bilong mani. Olsem na em i askim ol long painim mani bilong ol yet bilong tiket na haus slip taim ol i kamap long Mosbi.

Kiunga na Daru bai i traim bun bilong ol yet long Kiunga. Na Alotau bai bungim i Popondetta long Popondetta.

Winfield League Results

PORT MORESBY - ROUND 25	
DCA 50, 9 tries, 7 goals defeated ANG 18, 3 tries, 3 goals. Man of the match: DAIRI KOVAE	
TARANGAU 22, 4 tries, 3 goals defeated SOUTHS 16, 3 tries, 2 goals. Man of the match: KAIBEL KANAKA	

GOROKA - ROUND 18	
UNITED 38, 7 tries, 5 goals defeated DARNO 4. Man of the match: FORD KARO (United)	
TARANGAU 13, 2 tries, 2 goals, 1 field goal defeated ROYAL 12, 2 tries, 1 goal, 1 penalty goal. Man of the match: IVAN ULOPU (Tarangau)	
TIGERS 52, 11 tries, 3 goals, 1 penalty goal defeated SIANE 32, 6 tries, 4 goals. Man of the match: ROGUPE ROGUO	

CLUB	GP	W	D	L	PF	PA	Ttl points
Hawks	16	12	2	2	321	248	26
Tarangau	16	11	2	3	372	198	24
Country	16	9	1	6	322	259	19
Royals	16	8	1	7	311	384	17
United	16	8	1	7	328	314	17
Tigers	16	8	-	8	315	279	16

DATE	TIME	CLUB	CLUB
18/8/91	1.30 pm	Royals	vs United
18/8/91	3.00 pm	Tarangau	vs Country

WAHGI - KNOCK OUT	
BROTHERS 12, 2 tries, 2 goals defeated TARANGAU 0. Man of the match: JOHN OKUL	
TIGERS 22, 4 tries, 3 goals defeated UNITED 18, 4 tries, 1 goal. Man of the match: JAMES KUAN	

CLUB	GP	W	D	L	PF	PA	Total points
Tigers	22	18	-	5	385	214	36
United	22	51	2	3	370	224	36
Bross	22	16	1	5	364	203	32
Tarangau	22	9	1	12	317	310	19

• Other four clubs dropped last week.

KAINANTU - ROUND 17	
BROTHERS 20, 5 tries, penalty goal defeated TIGERS 14, 3, 1 goal. Man of the match: JOE MAO (Brothers)	
HAWKS 24, 5 tries, 2 goals defeated TARANGAU 22, 5 tries, 12 goal. Man of the match: KERRY PARO (Hawks)	
ROYALS 20 forfeited MAGANI.	
UNITED 24, 5 tries, 2 goal defeated PANTHERS 14, 3 tries, 1 goal. Man of the match: SAKIAS ARONOPA (United)	

Difens i gat inap pawa long winim bek primiasip taitel

MOSBI: OLPELA primia bilong Mosbi Winfield Lig resis na Cambridge Kap King, Difens i kisim gen stail, na bai pait i go insait long gren fainal. Egensim ol arapela tim, Difens i gat pawa yet long winim bek dispela primiasip taitel.

Long stat bilong sisen, Kumul kosa Skerry Palangat i bin kosim ol soldia. Tasol ol i no pilaiin gutpela gem na i lus. Bikpela as em planti nem pilaiia i stap duti long Bogenvil Ailan. Na tim i bin pait hat long go insait long fainal.

Ol pilaiia i soim bikpela laik long winim bek primiasip flek taim ol i kisim bek kosa Geoff Vincin. Na tu ol pilaiia long Bogenvil i stat long kam bek wan wan.

Long ranis bilong namba wan raun, Difens i stat long win na i no lukluk bek.

Long ran 6 Difens i gat 6-pela poin tasol. Tasol nau em i sindaun long namba 3 ples long lata wantaim maina primia bilong las yia, Brothers.

Brothers Brothers i gat planti sapota. Ol sapota i laik lukim olsem Brothers i mas go pas long lata, na i no Tarangau. Tasol dispela tim we i gat planti Hailans pilaia i gat planti sans long go insait long gren fainal gen olsem las yia.

Nem faiv et pilaiia, Aquila Emil bai i go pas long tim taim ol bagarap long bodi bilong em i pinis. Ol arapela nem pilaiia em Brothers bai i strong long ol em Weka Lae, Moses Gene, Dominic Bre, Eri Emei, na Tom Jones.

Tarangau Tarangau i bin mekim planti sapota na opisal i kalap nogut long dispela yia. Planti pipel i bin mekim gutpela toktok long dispela tim. Tasol ol i no inap bilip olsem Tarangau i tekova long lata na bosim i kam inap fainal nau.

Ol boi bilong Mail i strongim namba wan posisen i kam na i winim maina primiasip taitel pinis.

Ol manki Tarangau i stap aninit long lukautim bilong 1990 Jim Jacobi kosa bilong yia, John Wagambie. Wagambie i bin trenim gut ol nupela yangpela pilaia bilong Tarangau long mekim nem nau.

Planti sapota i save nau long yangpela James Naipao. Em i pilai ragbi long tupela yia tasol nau. Tasol em i joinim Vipers bihain tru, na i go insait olgeta long Winfield Kumul tim. Na pilai egensim Frans Roosters long Goroka.

Ol arapela pilaiia olsem Michael Jim, Darius Raki, Elias Paiyo, Tara Korae, Ben Bire, na Danny Eri em sampela pilaiia husat i apim nem bilong Tarangau long dispela sisen.

Air Niugini Air Niugini i lusim pinis sans bilong go insait long fainal. Na i gat bikpela laik long rausim dispela nem nogut long 1992 sisen.

Ol i stat gut tru na winim pri sisen resis. Tasol Adrian Genolagani i no inap bungim gut stail bilong ol yangpela na olpela blut pilaiia. Olsem na tim i stat long pundaun, taim namba tu ran bilong sisen propa i stat.

Tasol Air Niugini bai i wanpela strongpela tim long niks yia.

DCA DCA em narapela tim em planti sapota i bilip bai go insait long fainal. Bikos ol olpela nem pilaiia olsem Dairi Kovae na Mea Morea i joinim bek tim.

Tasol tim i no pilai gut long dispela sisen. Na i no inap go insait long fainal bikos long gutpela pesen. Ol i lusim planti gutpela gem we ol i ken winim. Dispela i bagarapim sans bilong ol long go skoarim moa poin.



Bikpela fowat bilong Tarangau, Kipel Kanaka i bungim strongpela takel bilong ol Souths pilaiia long las gem bilong raun tu long Mosbi las wiken. Tarangau i winim Souths22-16, na autim maina primia taitel.

Kone Tigers Long narapela sait gen, Kone Tigers husat i bin gat nem long stat bilong resis i lusim sans long go insait long fainal. Nau ol bai i pait strong long namba 5 ples egensim Paga Panthers.

George Haoda i bin kosim B Gret tim bilong Difens i go long gren fainal bilong las yia. Kone Tigers i kisim George long dispela sisen, taim olpela kosa Steve Malum i go kosim Waliya.

Kone i bungim hevi taim inta sitis resis i stat. Sta pilaiia bilong em, kepten Stanley Haru na lok Gideon Mati em ol opisal i makim insait long Mosbi Vipers tim.

Wes Wes i ran bihain nau long Tarangau long namba tu ples. Ol pilaiia na opisal bilong em bai lukluk i go bek na amamas olsem ol i stap insait pinis long fainal.

Olsem ol arapela tim long fainal, Wes i lukluk long pilai i go insait long gren fainal. Las wiken ol i bin stap long bye. Olsem na dispela wiken ol bai redi gut long go aut long Lloyd Robson oval na nekim Brothers, long winim sans bilong bungim Tarangau long gren fainal.

Wes tu i bin pilaiin gutpela gem long dispela yia. Bikpela tenkyu mas i go long ol olpela nem pilaiia olsem pilaiia kosa Roy Heni, Gideon Kouoru na Tati Ivara. Ol i bin go pas long ol yangpela pilaiia long taim nogut.

I hat tru long makim ol pilaiia long pilai long olgeta wiken. Bikos Wes em wanpela tim husat i gat planti gutpela yangpela pilaiia tru. Ol i gat gutpela sans long go insait long fainal wantaim kam bek bilong ol nem pilaiia olsem insait senta Joshua Kouoru, huka Danny Moi na faiv et Tuksy Karu.

Souths Wanpela tim em i noken wari tumas em Souths, bipo ol i save kolim Korobosea. Souths i bin joinim resis long bihain tasol. Tasol em i wanpela strongpela tim, na i pinis namba 8 long ples. Em i abrusim ol nem tim olsem Air Niugini, Royals, Magani, Hawks na Waliya.

Magani na Hawks, Royals na Waliya i pretim sampela nem tim long dispela sisen, Tasol i nogat pawa klostu long pinis bilong namba tu raun.

Tasol 1991 i bin wanpela gutpela yia bilong ragbi lig. Dispela yia i bin gutpela yia bilong sampela tim, na i no gutpela yia bilong ol arapela tim.

Ol tim husat i lusim sans long fainal, lukim yupela long 1992 sisen.

Paga Panthers Paga i bin pilai long namba wan divisen long las yia. Tasol dispela yia em i soim olsem em i ken pilai long resis bilong A gret.

Namba wan intanesenel pilaiia bilong em, Daroa Ben-Moide i bin pilaiin gutpela gem long go pas long ol manki, na salensim ol strongpela tim olsem Tarangau, Wes, Kone Tigers, Difens na Brothers.

Moide i bin pilai insait long Mosbi Vipers tim. Tasol dispela i no stapim Paga long pat strong yet. Bikos yangpela brata, Arua i kisim posisen em bikpela brata i lusim.

Paga i gat gutpela stail bilong pilai. Tasol sampela taim em i save pilai gutpela gem, na sampela taim nogot. Olsem na nau em bai i pait strong egensim Kone.

Wes Wes i ran bihain nau long Tarangau long namba tu ples. Ol pilaiia na opisal bilong em bai lukluk i go bek na amamas olsem ol i stap insait pinis long fainal.

Olsem ol arapela tim long fainal, Wes i lukluk long pilai i go insait long gren fainal. Las wiken ol i bin stap long bye. Olsem na dispela wiken ol bai redi gut long go aut long Lloyd Robson oval na nekim Brothers, long winim sans bilong bungim Tarangau long gren fainal.

Wes tu i bin pilaiin gutpela gem long dispela yia. Bikpela tenkyu mas i go long ol olpela nem pilaiia olsem pilaiia kosa Roy Heni, Gideon Kouoru na Tati Ivara. Ol i bin go pas long ol yangpela pilaiia long taim nogut.

I hat tru long makim ol pilaiia long pilai long olgeta wiken. Bikos Wes em wanpela tim husat i gat planti gutpela yangpela pilaiia tru. Ol i gat gutpela sans long go insait long fainal wantaim kam bek bilong ol nem pilaiia olsem insait senta Joshua Kouoru, huka Danny Moi na faiv et Tuksy Karu.



Gigmai Ongugo bilong Hagen Eagles i painim hat long ran wantaim bl. Bikos wanpela Vipers pilaiia i hollim pasim em pinis long baksait.

Teams	P	W	D	L	F	A	Points
Penrith	20	15	1	4	400	230	31
Manly	20	13	1	6	348	265	27
Norths	20	13	0	7	301	281	26
Wests	20	12	1	7	333	279	25
St George	20	11	2	7	368	268	24
Canberra	20	12	-	7	398	306	24
Canterbury	20	11	1	8	372	346	23
Brisbane	20	11	-	9	422	294	22
Illawarra	20	10	1	9	395	275	21
Easts	20	9	1	10	329	411	19
Cronulla	20	7	3	10	329	411	19
Balmain	20	8	1	11	321	351	17
Newcastle	20	6	3	11	281	376	15
Souths	20	6	-	14	327	465	12
Parramatta	20	6	-	14	327	493	12
Gold Coast	20	2	1	17	212	440	5

Making the big game bigger

CLUB	GP	W	D	L	PF	PA	Ttl pts
Souths	16	12	3	1	139	69	27
Hawks	16	10	1	5	127	94	21
United	15	9	2	3	102	102	20
Tigers	15	7	-	7	92	84	16
Tarangau	15	6	2	7	88	110	14
Brothers	15	6	1	9	82	107	11
Panthers	15	4	1	8	66	115	11

Next weeks draw is not available due to a fight between Tigers and United.

HAGEN - No matches played due to death of Mr. Ambrose Mong - Junior Director at Mt. Hagen R.F.L.

FAINAL NAU LONG MENDI

Tarangau bai mekim olgeta samting em i ken long nekim Royals

FOAPELA top tim bilong Mendi Winfield Lig resis bai i bung long dispela wiken long lukim husat bai i go wetim gren fainal.

Fainal bai i kamap long tripela divisen olgeta. Dispela em long A gret, Risev gret, na Anda 17.

Ol opisal i bin makim olsem maina na mesa semi fainal bai i kamap long las wiken. Tasol dispela i no bin kamap bikos long iridai bilong wanpela Hawks A gret pilaia.

Nem bilong dispela pilaia em Francis Makomne. Francis i save pilai long faiv et posisen. Na em i bin dai long Fonde 8 Ogas, 1991 taim ka em i ran long en i pam.

Long resis bilong A gret, maina primia tim Tarangau bai i bungim Royals husat i ran bihain long em. Na Bulldogs bai i bungim Hawks.

Hawks i bin pait strong long go insait long fainal bilong dispela sisen. Olsem na em i gat bikipela laik long pilai i go insait long gren fainal.

Tupela tim wantaim bai i hangamapim sans bilong tupela long ol beklain pilaia long winim pilai. Na tu ol fowat pilaia long lukautim pilai.

Kosa bilong Bulldogs, Barry Ropa i tok tim husat i no mekim planti asua long fil bai i winim dispela gem.

Em i tok moa olsem tupela tim wantaim i gat gutpela pilaia long olgeta posisen. Olsem na bikipela salens stret bai i kamap long ol fowat pilaia, long winim gem.

Sans bilong Bulldogs bai i hangamap long ol fowat pilaia olsem John Manua, Eric Joe, Peter Waka, Robert Posu na Piandi Ure. Ol bai i traim long winim gem bilong ol kas nogut ya bilong Wakwak.

Tasol ol bai i bungim wankain strongpela salens i kam long ol ekspirians fowat bilong Hawks olsem William Amos, Koni Keri, James Jamoro, Amex Yakili na Joseph.

Hawks i gat ekspirians bilong pilai insait long sampela gren fainal pinis. Olsem na dispela bai i apim liklik sans bilong ol long nekim Bulldogs.

Sampela nem pilaia bilong Hawks olsem Kore Seeto Anton Mal i kisim bagarap, na ating bai i no inap pilai. Tasol pilaia bilong winim gem na hap bek John Nane i ken givim bikipela het pen stret long Bulldogs.

Nane bai i kisim gutpela sapot bilong Mark Orilla, Jack Skinny, na Jack Etime. Ol bai i bungim beklain bilong Bulldogs em Moxie Yore bai i go pas long lukautim wantaim sapot bilong John Oki na Kumul winga Joe Raima.

Wanpela opisal bilong Hawks, Steven Kila i makim olsem Hawks bai winim dispela gem. Bikos em i gat inap ekspirians pilaia.

Ropa bilong Bulldogs i tok Bulldogs i pait strong long go insait long fainal. Olsem na em bai i pait strong yet long go insait long gren

fainal.

Long ol arapela gutpela A gret gem long Sande 18 Ogas, maina primia tim, Tarangau bai mekim olgeta samting em i ken long nekim Royals. Na winim tok orait long wetim gren fainal.

Tarangau i bin pilaim gutpela stail bilong gem long winim maina primiasip taitel. Olsem na ol Tarangau pilaia bai pilaim wankain gem long dispela wiken.

Tarangau bai kisim gen sevis bilong pilaia kosa, Wesley long apim na strongim tingting bilong win. Kepten James Aipa bai givim sapot tu long daunim ol Royals.

Royals bai i kisim fil wantaim go pas bilong kepten John Kepiulu. Gabriel Pima na James Embia bai i wok strong long setim ol fowat pilaia olsem Ari Inatia, John Kengal, Johnson Mapi na David Malo long skoa.

Royals em wanpela gutpela tim husat i gat strongpela banis. Olsem na ol bai givim strongpela

salens stret lgong Tarangau.



• Bikipela fowat bilong Tarangau i givim sisti wantaim bal long abrusim ol Souths pilaia. Olsem na Tarangau i win 22-16 long autim maina primia taitel bilong Mosbi Winfield Lig resis.



• Tripela pilaia bilong Tarangau (tupela pilaia long raitan em Timothy Sakate na Danny Eri) i amamas bihain long ol i autim Souths 22-16 long A g ret gem bilong Mosbi Lig las wiken.



• Strongpela fowat bilong Mosbi Vipera, na nupela Kumul pilaia, James Nalpaio i pamim pilaia bilong Eagles i pundaun narakain stret. Tupela tim i dro 18-18 long gren fainal bilong SP Inta siti resis, tasol Vipera i skoarim moa trai na i winim gen taitel.

Tarakum wetim gren fainal long Kiunga

MAINA semi fainal bilong Kiunga Ragbi Lig i bin kamap namel long Tarakum na Brothers long las wik Sande. Na Tarakum i bagarapim sindaun bilong Brothers 6-1.

Tarakum i bin winim 17 gem, dro long wanpela na lusim tupela insait long sisen propa resis bilong dispela yia. Dispela wik Tarakum bai i stap wetim wina bilong United na Brothers long pilai egensim em long gren fainal.

Tarakum bai i gat gutpela taim long malolo. Bikos em i bin kamapim strongpela gem egensim Brothers long las wik. Wankain strong Brothers i bin putim kamap egensim Tarakum. Tasol Tarakum i daunim em long wanpela trai tasol.

Insait long gem ya, tupela tim wantaim i bungim bikipela hevi long ren. Tasol ol pilaia i tromoi bal long ol yet hariap long stapim sampela rong o hevi. Tupela tim wantaim i gat gutpela banis na gutpela pilaia long olgeta posisen.

Long namba wan hap, tupela tim i putim kamap gutpela na strongpela gem. I no gat trai i kamap. Brothers i putim wanpela skoa tasol taim hap bek Nelson Gamai i kikim wanpela fil gol. Dispela skoa i kamap 20 minit insait long namba wan hap.

Bihain long hap taim ol fowat bilong Tarakum i strongim banis na stapim ol pilaia bilong Brothers long ran i go insait long mak bilong em. Tupela fowat bilong Tarakum, prop Ita Kuna na John Hawks i pilaim gutpela gem bihain long hap taim.

Strongpela pilai i kamap na seken rowa bilong Tarakum, Roxon Undi husat i brukim banis bilong Brother long skoarim wanpela trai bilong dispela gem aninit long tupela gol pos.

Lok Doning Miti i kisim taim na kikim konvesen i go insait long bringim skoa i goap long 6-1. Brothers i putim kamap strongpela gem tasol taim i ranawe long em, na Tarakum i win long dispela trai.



• Fubek bilong Royals i bungim strongpela salens bilong Kone Tigers. Tigers i win 54-20.



• Huka bilong Souths i givim gutwan long pilaia bilong Tarangau long Mosbi Winfield Lig resis long las wiken. Tarangau i winim dispela gem 22-16, na autim maina primia taitel.

Vipers bai kisim K9,000 prais mani

WAMP NGA Hagen Eagles i lusim gen SP Inta Siti Kap long han bilong Mosbi Vipers long gren fainal, em i bin kamap long las wiken. Eagles i bungim Vipers long gren fainal bilong Inta Siti resis long 1990. Na dispela yia tupela i bung gen.

Tasol Vipers i holim pasim yet dispela kap. Eagles i gat bikipela tingting long bekim dinau Vipers i givim long em. Olsem na em i putim kamap gutpela na strongpela gem insait long namba wan 20 minit bilong pilai. Bal i stap long han bilong ol Eagles pilaia tasol.

Tupela tim wantaim i putim kamap strongpela gem na skoa i stap 18-18 bihain long ful taim.

Edministreta bilong PNGRFL, Jack Metta i tokaut olsem planti pipel i no laik long lainim teknik na lo bilong dispela gem. Nau yet planti manmeri i paul yet long lo bilong Winfield Lig, na lo bilong SP Inta Siti Kap resis. Olsem na bikipela hevi i bin kamap long Sande taim Eagles na Vipers i dro 18-18.

Metta i tok lo bilong dispela resis em i salim pinis long tim kepten, menesa na ol eksekutiv bilong wan wan senta husat i pilaia

insait long resis ya. Na opisa bilong wanpela bilong ol dispela senta i nogat as long tok olsem em i no lukim lo bilong SP Inta Siti Kap resis, na Winfield Lig resis.

Tasol tim menesa bilong Hagen Eagles, John Kagl i gat bikipela bilip olsem Mosbi Vipers i rausim dispela kap nating long tim bilong em. "Mi save olsem mipela (Eagles) i winim dispela resis," Kagl i tokaut olsem taim RLN i askim long tingting bilong em.

Mosbi Vipers bai i kisim K6,000 na Hagen Eagles bai i kisim K3,000 olsem rana ap

wina. Na tu Eagles bai i kisim narapela K3,000 olsem wina bilong semi

fainal. Na Vipers bai i kisim narapela K3,000 long winim maina prim-

iasip taitel.

Putim olgeta prais mani wantaim, Vipers

bai i kisim K9,000 na Eagles bai i kisim olsem K6,000.

Brothers wetim gren fainal

WAU BULOLO:

KIKINAE Norths bai bungim Tomanaga Tigers long mesa semi fainal bilong Wau/Bulolo Ragbi Lig long Sande 18 Ogas, 1991.

Na wina bai i bungim Forcol Brothers long gren fainal long neks wik. Nau em i namba tu wik bilong Brothers long malolo. Bikos las wik em i kisim nating tupela poin taim Raiders i no kamap long pilai egensim em. Dispela wik em bai i stap na wetim wina bilong Norths wantaim Tigers long bungim em long gren fainal.

Las wik Norths i bagarapim sindaun bilong Panthers 46-8. Na Roosters i daunim Tigers 8-4. Nau yet Roosters i gat liklik sans i stap bilong pilai long namba 3 na 4 ples. Dispela Sande Norths bai traिम bun bilong Tigers gen, na goap painim Forcol Brothers long neks wik.

Nau yet Norths i putim kamap strongpela trening. Na em i lukluk long daunim Tigers. Tasol Tigers bai i no inap sanap tasol na lusim Norths ikapsaitim skoa long mak bilong em.

Bikos las wik, Roosters i bagarapim sindaun bilong em. Na tu Norths i bin daunim em 16-14 tupela wik i go pinis. Olsem oa ol Tigers bai i no laikim dispela pasin long kamap gen.

Nau yet Tigers bai lukluk long ol pilaia long fowat olsem kepten

William Kennedy, Martin Manu na Elias Vitata. Na sapos ol beklain pilaia i putim kamap wankain gem Tigers bai inap long winim dispela gem long han bilong Norths.

Las wik Dickson Pokana, Koniel Waire na Sam Micheal i bin putim kamap gutpela gem bilong Norths, na em i daunim strong bilong Panthers. Na dispela Sande Norths bai lukluk long ol dispela pilaia, na ol arapela beklain pilaia olsem fulbek Billy Ambo, Penias Waal na Jim Kari long strongim.

Sapos ol dispela pilaia i putim kamap gutpela gem long beklain, Norths bai winim dispela gem.

Norths i winim Tigers planti taim pinis. Na dispela wiken em i gat bikipela bilip long daunim Tigers narapela moa taim, na goap i go bungim Brothers long gren fainal.

Long ol arapela gem bilong las wik, Forcol Brothers i kisim tupela poin nating taim Raiders i no kamap long pilai egensim em. Na Norths i bagarapim sindaun bilong Panthers 46-8.

Long narapela A gret gem em nupela tim Roosters i daunim strong bilong Tigers 8-4. Na dispela Sande Roosters bai traिम Panthers long namba 3 na 4 ples.



• Ol Tarangau pilaia i sanapim strongpela "brik wol" banis stret long huka bilong Souths.



• Ol Tarangau A gret tim pilaia bipo ol i bungim Souths long las wiken. Ol i autim pinis maina primia taitel, na wet long bungim wina bilong Wes na Difens long neks wiken.

TIGERS LAIK NEKIM DIFENS

LAE:

SAM YAKAM i raitim

WOPA Tigers i gat bikipela laik long nekem BP Difens long mesa semi fainal bilong Lae Winfield Lig long dispela Sande 18 Ogas, 1991. Na bungim Royals long gren fainal, em bai i kamap long neks wik.

Dispela wiken Royals bai i malolo na lukluk long Tigers wantaim Difens i pait long bungim em.

Las wik Tigers i bagarapim sindaun bilong Panthers 13-12. Dispela trai i kamap tupela minit bipo long ful taim, taim Matthew Elara i mekim wangepela strongpela ran i go brukim banis bilong Panthers na skoarim trai aninit long tupela pos. Olsem na dispela Sande em bai i bungim Difens.

Nau yet Tigers bai lukluk long Elara na ol arapela beklain pilaia olsem Kepten Julius Cassey, Martin Bingeding na Andrew Sammy. Tigers i gat ol gutpela pilaia long fowad tu.

Olsem na Difens bai kisim het pen liklik sapos ol i bungim Tigers long dispela Sande long Lae Ragbi Lig Oval.

Tasol Difens bai lukluk long holim pasim ol dispela pilaia. Na stapim ol long skoarim, planti moa trai. Nau yet Difens i gat bikipela laik tu long bungim Royals long gren fainal. Olsem na em bai i no inap pilai kaskas long Tigers. Difens i gat gutpela histori i stap bilong daunim ol strongpela tim long las minit.

Olsem na Tigers i mas putim strongpela banis i go inap gem i pinis. Bikos Defence i gat ol gutpela pilaia i stap bilong lukstil long hevi bilong ol arapela pilaia na yusim dispela sans.

Nau yet Difens bai lukluk long ol beklain pilaia olsem fulbek Peter Bomai, hapbek Joe Jack, winga Stanley Gini, faiv et Allois Grey na Amos Ame long winim dispela gem.

Ol bai kisim bikipela helpim tu long ol fowad pilaia olsem kepten prop John Mokale wantaim Paul Kora, William Piel na seken rowa John Piel, wantaim lok John Wai na insait senta Bill Auro, na ausait senta Jeff Eli.

Nau yet Difens i gat bikipela laik long bagarapim sindaun bilong Royals long gren fainal. Olsem na olgeta pilaia bai soim olgeta strong long dispela wiken long daunim Tigers, na bungim Royals long gren fainal.

Difens kosa, Manken Ramu i tokim Ragbi Lig Nius (RLN) olsem ol bai win sapos ol pilaia i bihain gut lo bilong ol yet. Na Ramu i gat bikipela bilip olsem ol boi bilong em bai winim Tigers sapos ol i bihain dispela lo bilong tim.

Em i tok Difens i bin winim Tigers wangepela taim pinis. Olsem na dispela Sande em bai i no inap pilai kaskas long ol pilaia bilong Tigers. Em bai soim Tigers olsem em i gat bikipela laik long holim pasim mesa primia tai-tel bilong dispela yia.

Na bai bungim stret Royals long neks wik Sande, na daunim Royal long las taim bilong dispela sisen, 1991.



• Winga bilong Mosbi Vipers na nupela Kumul pilaia, Joshua Kouoru i laik takelim winga bilong Hagen Eagles long gren fainal bilong Inta siti resis long las wiken. Tupela tim i dro 18-18. Tasol Vipers i win bikos em i skoarim moa trai.


Winfield League '91

SPAK MAIK

TASOL BIKMAN I TOKIM OL LONG WET LIKLIK...

INO LONG TAIM NA OL KAMERA MAN NA NIUSPEPA RIPOTAS IKAM KAMAP...

TUPELA SO-OFF STRET NA SANAP, OL KAMERA MAN INO ISI LONG KISIM FOTO...



NAU TUPELA KAMAUT LONG NIUSPEPA...

...NA TU LONG TELEVISION...

WANTU OL WANTOK IKAM PULAP LONG HAUS... (YU SAVE PINIS)



PERSONAL LOANS

Husat i halivim yu long kisim ol samting yu laikim tru?

Sapos yu laikim nupela ka o ol samting bilong haus, PNGBC ken givim yu dinau long baim ol dispela samting.

Yu mas gat gutpela wok na sampela seving long haus moni. Na i no hat tumas long bekim dispela dinau.

Askim long haus moni bilong PNGBC. Bai mipela halivim yu long kisim ol samting yu laikim emi tru!



REBO na AUDA

NA EM TRAIM MASOL BILONG BODI BILONG EM...



LONG HAUS... AUDA PINIS SCHOOL NA GO KAMAP LONG HAUS... EMILY TING REBO NA EM SINGAIT...



EMILY STRETIM KAIKAI PINIS NA TUPELA SINDAUN KAIKAI...



INO LONG TAIM NA REBO KAM KAMAP... EM RON TASOL I KAM NA SOTWIN STRET... EM GO SILIP LONG VERANDA NA KISIM WIN...



EMILY OPIM DUA NA LUKIM REBO KISIM WIN I STAP...




NAU REBO KIRAP NA RON I GO INSAIT LONG TOILET...




OL SAVEMAN BILONG BISNIS YUSIM OL!


Lister




LT1 5 K.V.A.
● TOTALLY PORTABLE ENERGY SOURCE
● IDEAL UNIT FOR VILLAGE LOCATIONS



TS2 8.5 K.V.A.
● 3 PHASE OR SINGLE PHASE POWER
● COMPACT AND EFFICIENT



HR3 26.25 K.V.A.
● IDEAL COMMERCIAL BACKUP SYSTEM



CS6 58 K.V.A.
● INDUSTRIAL CAPACITY
● WILL HANDLE MAXIMUM DEMAND FOR POWER ANYTIME

Brian Bell Stores


● BOROKE — 5 5411
● LAE — 42 337
● GOROKA — 72 098

● MT. HAGEN — 52 1999
● RABAU — 92 1966

Phantom








Flash Gordon





MICKEY MOUSE

Walt Disney



ADEC QUARTZ



BDO-737-11
K96.00



AZO-314-11
K80.00



AZO-314-51
K80.00




AZO-322-51
K92.00



AZO-322-81
K92.00



AZO-331-61
K88.00



AX1-018-11
K72.00



AX1-018-51
K72.00



BCO-421-10
K64.00



BCO-421-50
K64.00



BCO-529-10
K72.00



BCO-529-50
K72.00



BCO-529-80
K72.00



BCO-626-10
K64.0



BCO-626-12
K64.00



BCO-626-52
K64.00



AW1-110-11
K72.00



AW1-128-11
K88.00



AW1-128-81
K88.00



AU3-413-11
K64.00



AU3-413-51
K64.00



AU3-421-51
K80.00



AU3-421-81
K80.00




AE1-815-20
K40.00



AE1-815-22
K40.00



BF1-823-10
K56.00



BF1-823-14
K56.00



BF1-823-50
K56.00



BD0-931-10
K80.00



BD0-931-50
K80.00



BD1-024-12
K88.00



AZO-641-50
K80.00



AZO-641-80
K80.00



AZO-110-50
K90.00



AZO-730-50
K80.00



AV1-530-50
K80.00



AV1-432-50
K72.00



AV1-319-50
K72.00

PORT MORESBY WATCHMAKERS

P.O. Box 1261, Boroko
Showroom : Brian Bell Plaza, First Floor
Telephone: 25 6091, 25 6044
Facsimile: 211391
(WHOLESALE ENQUIRIES ALSO WELCOME)



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.